



220.5995 B04

MOORE COLLEGE
LIBRARY

MOORE THEOLOGICAL COLLEGE LIBRARY



3 2042 10014906 5

40. / 20

NAVAL RELAU

The Gospel according to St. Mark,

The Epistles of St. John,

AND

The Book of Jonah

Translated into the language used in Sinesip,
Malekula, New Hebrides.

SYDNEY :

Printed for the National Bible Society of Scotland by Samuel E. Lees,
Printer and Stationer, 81 Clarence Street.

1905.

WILLIAM BENTLEY

The Great North American

The Great North American

The Great North American

The Great North American

The Great North American

NIVAGASIEN TILE

INO

MARIK

NIMOROT TILAU

ITUS EI.

Nimbatin nivagasien tile ti-Iesu Kristo, Atua Nivutun. 2 Inotei wut niprofet Esaia itus ei, Ales, nigcosursur nimorot tigkinagk nin nisursurien human ran noom, cogcur nahal tinunk tile human nunk ; 3 Nelen tuan iteg lembusaivon, Agcur nahal ti-Nirovun tile, agcur nahal tiei cotitus ; 4 Jon ito en ibaptais lembusaivon, en indighur nibaptaisien nin nirogmerivenien cen nisurkasien nin nisampien. 5 En nimorot morsu nin neten wut Iudia, en ar nin wut Ierusalem retevis mevus cen ei ; en ibaptais ar luei Iordan, wut rewer mevus nisampien tiar. 6 En Jon ivei len nivohon ambat en nisivilen tikamel, en noolsin itigcor nisulin en ian lokust ar en hone nin wut lembusaivon. 7 En indighur en iwer, Mortigcaparas kambanr kinagk cawelig ta kinagk netel nin shu tiei nanasamp nigcesiaul en nigcawelkas. 8 Baragcen nambaptais nigcin in nauei ; or ei cabbaptais nigcim in Nimwinin Tilau.

9 En ito ran nilius tag wut Iesu iwelig dilin Naseret Calili, en Jon ibaptais ei luei Iordan. 10 En ishbimbarave iwelig dilin nauei en iles namap ima-

kak, en Nimwinin, ino nemen irap ran ei. 11 En nelen iwelig lenamap, iwer, Nunk, Nevevutunien tigkinagk, nagalagal cen nunk. 12 En ishbimbarave Nimwinin ilog evun ei bei lembusaivon. 13 En ito lembusaivon hur nilius ilagabul ivaves ; en Satan ipihal ei ; en ito hur neta tritur, en neagelo rohu bigcen ei.

14 En ta nin wut roos Jon, Iesu iwelig bei Calili en indighur nivagasien tile ti-Atua, en iwer, Nilius iwelig nro, en nimbasar eien iwelig masasag : arog meriven en arogdau nivagasien tile. 16 En wut iloghur netis Calili, iles Saimon en Andru, Saimon tesen, uromp niravilil balau: cen wut rupmornin neherher mahalien. 17 En Iesu iwer bigcen ruar, Auwelig ta kinagk, en nigcarar ruum aupmornin neherher morotien. 18 En ishbimbarave urtusar niravilil truar en urlog ta ei. 19 En wut ilog nro bei ivare iles James, Sebidi nivutun, en tesen, Jon, en ruar urkoh ran nauagk en urtur niravilil ar. 20 En ishbimbarave ivivie ruar : en urtusar Sebidi, ei nivetemenien tiruar, ran nauagk piluur nin mornin tirevul ar, en urlog ta ei.

21 En ralog bei Kapernaum ; en ishbimbarave len neautregien nin nisabat ilog bei lesynacoc en ivihinh. 22 En repopau ran nivihinkien tiei : cen wut ivihink in ar inotei mor tivien niparasien en isnoye niskreib ar. 23 En ishbimbarave mor tivien nimwinin timolel ito lesynacoc ; en iteg magamag en iwer, Nihava et meigcur in inunk, Nunk, Iesu nin wut Naseret ? Uwelig cen wut cuvambwil camem ? Neroghur nunk, Nunk Tise Tilau ti-Atua. 25 En Iesu ivevelen len ei, en iwer, Cusvagasve en curop dilin ei. 26 En nimwinin timolel inris eien iteg magamag butai, en irop dilin ei. 27 En ar morsu repopau, cen wut inonin reenderim in sombon ar, rewer, Nihava et inoiigk ? Nihava nivihinkien tivivau tiigk ? In parasien iwer bigcen nimwinin ti-remolel en rarar neta tiwer. 28 En ishbimbarave

nivagasien hur ei irop bei wut morsu hur wut Calili dilivis. 29 En ishbimbarave, wut retevis mevus lesynacoc revei belium tiSaimon en tiAndru pilur James en Jon. 30 En nimomo ti Saimon hinen imetur imehe cen nivinben pilpil, en ishbimbarave rewer bigcen ei hur ei : 31 En iwelig en ivurvur ei in nivaran, en irapenraas ei ; en nivinben pilpil imakas dilin ei, en ihu bigcen ar. 32 En livaat wut ninal iseer, reher bwelig cen ei ar morsu tiremehe en ar tireviiën temij tisamp. 33 En nimorot morsu nin nimbasar reher bonobon ar hur numbusis. 34 En nimorot tiralamp tiremehe hur nemeheien tirepsensilei irar raparas, en iomp temij tiralamp ; en isindamve nitemij ravagas andewer reles hur ei. 35 En levehat, rohtei et neauwut indomuas, itaris, en ilog en ilog bei lembusaivon, en itu tamat wutin. 36 En Saimon en ar pilur ei ralog ta ei ; 37 en reles ei, en rewer bigcen ei, Ar morsu regcigelau nunk. 38 En iwer bigcen ar, Ile nigcint devei ran nimbasar nin halan ar, cen wut inonin nigcevindighur listei wutin ; andewer newelig mevus cen netaiigk. 39 En ilog bei lesynacoc tiar divilis hur wut Calili, en indighur en iomp nitemij ar.

40 En leper iwelig cen ei, en inderim in ei, en isimbau hur ei, en iwer bigcen ei, sugcurog culeshur curar kinagk nigcevivau. 41 En irog meriven ei en isar nivaran, en ivihi ei, en iwer bigcen ei, Nerog ; Cuvivau ; 42 En ishbimbarave nileprose imakas dilin ei, en ivivau. 43 En ivivelen butai len ei, en ishbimbarave isursur mevus ei, 44 en iwer bigcen ei, Culeseles cuswerve nisten bigcen nihumor : or culoghur nahal nin nunk, cuvihink nunk cen niprist, en cuhu cen nivivauien nin nunk netaiigk Moses iwer, cen nivihinkien cen ar. 45 En ilog mevus en itumbatin wut ivagas ligalig en wut igcur ei ino naamp iau, cen wut inonin Iesu imbwit cevei mevus lis ran siti, or ito vusar lembusaivon : en rewelig cen ei dilin nimbasar morsu.

NIMBATIN 2.

En ilog lis bei Kapernaum, ta neautregien ar ; en rewer, Ito lium. 2 En nemorot ralamp rokokh bon-ombon, cen wut inonin neauwut ivare in ar lium hur nimbogon neium en vusar : en ivagas nivagasiën bigcen ar. 3 En rewelig en relip bwelig cen ei, nemarmehe nin nipempïen, nimorot ives reveaus ei. 4 En wut rembwit rewelig masasag nin ei andewer nilugcusiën, relipkas niponoromp bonus wut ito in : en wut relipkas ei nro raholur menre, nemarmehe nin nipempïen imetur len. 5 En Iesu wut iles nro nirogdauïen tiar, iwer bigcen nimarmehe nin nipempïen, Nivutu, nigcosurkas nisampïen ar tinunk. 6 Or nihumor nin skreib ar resimp eiag, en renrimrim lela ran navanevis nin ar, 7 Itemwin et asigk iwer inonin ? Iwer hethet : Ia ilesbur cosurkas nisampïen, or Atua eitei sombon ? 8 En ishbimbarave Iesu wut ilesbur len nimwinin ei wut renrimrim lela ran navanevis nin ar inonin, iwer bigcen ar, Itemwin et anrimrim netaiigk ar lele ran navanevis nin nigcim ? 9 Ipmoariën, nigcewer bigcen nimormehe nin nipempïen, nigcosurkas nisampïen ar tinunk, i nigcewer cutaris en cuvaus nimenre en culog ? 10 Or cen wut inonin alesbur nimorot nivutun iviën niparasien nin wut leten wut isurkas nisampïen ar (iwer bigcen nimormehe nin nipempïen), 11 Nigcewer bigcam, Cutaris, cuvaus nimenre nin nunk, en culoghur nahal nin nunk belium tinunk. 12 En itaris en ishbimbarave ivaus menre, en ilog mevus len noon ar morsu : cen wut inonin ar morsu ropopau, en rewer nivagasiën tile hur Atua, rewer, Deslesve neta tinoigk.

13 En ilog mevus balau : en niinau morsu revei cen ei tartar, en ivihink in ar. 14 En wut ilog banr iles Livai, Alfeus nivutun, wut isimp ran nimbasar nivulvulien, en iwer bigcen ei, Cuwelig ta kinagk. En itaris en ilog ta ei. 15 En wut isimp cen naan-

ien lium tiei, en publikan ralampien - mortrasamp resimp pilur Iesu en diseipel tiei ar : cen wut ar ralamp, en ralog ta ei. 16 En niskreib ar en nifarisi ar, wut reles wut iaan pilur mortresamp en publikan, rewer bigcen diseipel tiei ar, Itemwin et iaan en imin pilur publikan ar en mortrasamp. 17 En wut Iesu irog ei, iwer bigcen ar, Nimorot traparas rogot doketor, or mortremehe rerirog doketor : nasweligve cen wut nigcevivi mortrele, or nawelig cen wut nigcevivi mortrasamp cen nirogerivenien.

18 En nidiseipel ti Jon ar en ti nifarisi ar remeturbu tartar : en rawelig en rewer bigcen ei, Itemwin et diseipel ti Jon ar en diseipel ti Farisi ar remeturbu, or diseipel tinunk resmeturbuve ? 19 En Iesu iwer bigcen ar, Nimbunog nin nimbasar nelesien rembwit wut remeturbu wut nimor lele ito hur ar ? wut nimorlele ito hur ar rembwit wut remeturbu tartar. 20 Or niautregien reviwelig wut revilip nimor lele dilin ar, en ran niautregien tinin revimeturbu. 21 En nihumor isturve nundin tivevau nin nivohon ambat ran nivohon ambat timunris : i nivohon ambat tivauvau titogcor ilipkas dilin timunris, en nimbwilin imbau banr. 22 En nihumor cesbwimberve nahun ticrep belen nimbuluei tremunris : i nahun ti crep cotump nimbuluei ar, en nahun ti crep ilop melauas, en nimbuluei reslesve lis : or rembwimber nahun ti crep tevivau belen nimbuluei tivivau.

23 En wut ilogdur len naraup ar nin neve len niautregien nin Sabat ; en diseipel tiei ar retumbatin wut ralog, wut revir nitivhun neve. En nifarisi rewer bigcen ei, cules, Itemwin rarar ran niautregien nin Sabat nisten tisamp ? 25 En iwer bigcen ar, Nigcim aslesve nisten Devid irar, wut irog ino caan en ivitol, ei en mortremwimaru in ei ? 26 Itemwin ilog bilium ti Atua leniautregien nin Abiathar niprist timbau en ian nitiptap tito mevus, en ile prist trese raan, en ihu lis bigcen ar trokoh hur ei ? 27 En

iwer bigcen ar, Atua irar nisabat cen nimorot, en israrve nimorot cen nisabat : 28 Cen wut inonin Nimorot nivutun Nirovun nin Sabat lis.

NIMBATIN 3.

1 En ilog lis bei lesynacoc ; en morot tito wutin iviien nivaran imes. 2 En reles ei cen wut inonin sigcarar ei caparas len niautregien nin Sabat reroghur rewer irar sampasamp. 3 En iwer bigcen nimorot tiviiien nivaran imes, Cutaris livu. 4 Eniwer bigcen ar, Ile len niautregien nin Sabat arar ile i arar hethet ? arar morot imeaur i atelimp ? 5 Or reninsar. En wut igcelau nro dilivis ran ar len nisin-konien, irog merivenien cen wut navanevis nin ar reiei, en iwer bigcen nimorot, cusar nivaram. En isar : en nivaran iparas dal ino halan. 6 En nifarisi relog mevus, en ishbimbarave ravagas pilur ar tirokoh hur Herod hur ei, itemwin reroghur wut rembwil ei.

7 En Iesu pilur diseipel tiei ar ital dal hur netis: en niinau timbau dilyn Calili relog ta ei: en dilyn Iudia, 8 En dilyn Ierusalem, en dilyn Idumea, en tivsum Iordan, en dilivus Tur en Sidon, niinau timbau, wut rerog neta tirembau irar nro rewelig cen ei. 9 En iwer bigcen diseipel tiei ar, Ile wut nauagk tivare coto bander ei andewer niinau, cen wut reslugcusve ei : 10 cen wut irar nro ralamp raparas ; cen wut inonin ar morsu tireviien nimeheien ar relugcus ei cen wut revihi ei. 11 En nitemij tiremolel, wut reles ei, repilpwil ar human ei, en reulaul, en rewer, Nunk, Atua Nivutun. 12 En ivevelen butai len ar wut resvihinkye ei cen ar tuan. 13 En ilog bei ran niruu, en ivivie bigcen ei ar, ei sombon irirog : en revei cen ei. 14 En iseresi ilagabul ise nintiman iru, cen wut rokoh hur ei, en cen wut cosursur ar wut tirendighur, 15 en wut tireviien niparasien wut tirelipkas nimeheien ar en wut tiroomp temij

ar : 16 en bigcen Saimon itu nehen tuan Piter ; 17 en James, Sebedi nivutun, en Jon, James tesen ; bigcen ruar itu nehen tuan Boanerjes, ino tei nivul-varavar nivutun ruar : 18 en Andru, en Filip, en Bartholomu, en Mathu, en Tomas, en James Alfeus nivutun, en Thadeus, en Saimon nin wut Kana, 19 en Iudas Iskariot, tinin indam ei.

20 En iwelig lium. En niinau rewelig ligalig lis, cen wut inonin rembwit wut raan nitiptap. 21. En wut nimurien tiei rerog nro, relóg mevus cen wut revurvur ei, andewer, rewer ililei. 22 En niskreib tresip bwelig Jerusalem rewer ivien Bielzibub, en in nirovun tnitemij ar iomp temij ar. 23 En ivivie ar bwelig cen eitei sombon, en iwer bigcen ar cen parabel ar, Itemwin Satan iroghur wut coomp Satan ? 24 En neten nin nirovun sugcolulu ei tei sombon, wut in neten nin nirovun cembwit coto. 25 En niium sugcolulu eitei sombon, wutin niium cembwit coto. 26 En Satan sugcambwildal eitei sombon, en sugcolulu eitei sombon, cembwit coto, or iar. 27 Or nihumor imbwit cevei lium timor tiparas, en kigciau neta trele tiei, sugceslinduve nimorot tiparas ; en eten kigciau niium tiei. 28 Baragcen nigcewer bigcen nigcim, Atua cosurkas nisampien morsu bigcen nimorot nivutun ar, en nivagasien trehethet in ar rewer hethet : 29 or nimorot tiwer hethet hur Nimwinin Tilau cesvienve nisurkasien, or irar nisampien tirokoh tartar ; 30 andewer rewer nro ivien temij timolel.

31 Vanbug nin tesen ar en hinen, rewelig, en retaris silei, en resursur bigcen ei, en revivie ei. 32 En niinau resump cor dilivis ei, en rewer bigcen ei, Cules, hinam en tesum silei regcelau nunk. 33 En ivagas derim ar, en iwer, Ia et amo en tesu ar ? 34 En iles dilivis ran ar tresump cor dilivis ei, en iwer, Ales, amo en tesu ar ! 35 Andewer munhurvur tigcarar neta Atua iwer, tinin tei tesu en vene en amo.

NIMBATIN 4.

1 En lis itumbatin wut cevihink hur netis. En niinau timbau butai rewelig cen ei, cen wut inonin iha ran nauagk en isump lau; en niinau morsu rokoh hur netis vere. 2 En ivihink in ar neta tralamp in parabel, en iwer bigcen ar in nivihinkien tiei, 3 Arog, Ales, mornin niambwiiën ilog cen wut cevambwi: 4 en wut iambwi tuan resipsep ran tivsun hal, en nemen rewelig en rendil mah ar. 5 En tuan resipsep ran neten wutivut, Revien neten islampave wutin; en ishbimbarave retip angewer revien neten timenebenememp: 6 en wut ninal itevis remehmehmah en andewer naran isese in ar remalei. 7 En tuan resipsep len utigces en niutigces retip en rogcur roulu riganrig ar en resvienve navan. 8 En halan resipsep ran neten tile en revien navan, en retip rembumbau; en tuan revien navan ilagabul etil, en tuan ilagabul isause, en tuan ilagabul ilagabul. 9 En iwer bigcen ar, Ei tivien nimbwindilgin cen wut inonin iroghur ile iroghur.

10 En wut ito sombon nimortrokoh hur dilivis ei pilur nilagabul ise nintiman iru reenderim in ei cen parabel? 11 En iwer bigcen ar, Ihu bigcen nigcim cen wut inonin aroghur neta tambwit nin nimetelu tiAtua: or bigcenar trokoh bavar, irar neta morsu tiigk ar en parabel ar: 12 cen wut inonin wut reles reles en rembwit; en wut rerog rerog en resroghurve; cen wut waliesve sut ceviis dal ar, en cosurkas nisampien tiar. 13 En iwer bigcen ar, Asroghurve parabel nin tiigk? en geitei et aviroghur parabel morsu? 14 Nimornin niambwiiën iambwi nivagasien. 15 En asiigk ar trokoh ran nitivsun nahal wut iambwi nivagasien; en wut rerognro, ishbimbarave Satan iwelig en iher kukus nivagasien tikoh ran nauanevis nin ar. 16 En asiigk ar reno tei trokoh ran neten wutivut wut rerogmah nro nivagasien ishbimbarave reher ei cen nigalagalien; 17 en

resvienve naaran in ar, or remeur vivau ; en ta nin, nitelimpien i nitiwusien isag andewer nivagasien ishbimbarave rehoon. 18 En halan ar renotei tiambwi len utigces ; asiigk ar renotei trerog nro nivagasien, 19 en nimbulaaien nin utleten iigk en nivaambogien nin nivirovunien, en nirorogien ar nin neta tuan revewelig en rogcur reulu riganrig nivagasien en resvienve navan. 20 En asiigk ar renotei tiambwi ran neten tile ; renoiigk trerog nivagasien, en treher ei, en tretevu nayan, tuan ar ilagabul ivaitil, tuan ar ilagabul ivaisause, en tuan ar ilagabul ivailagabul.

21 En iwer bigcen ar, Culip bwelig kandel cen wut inonin cuhu ei silevun tub i silevun menre en custuve ei ran naai nin kandel ? 22 Cen wut nisten isto lelave tartar or cen wut inonin cewelig mevus ; en nisten isto lelave ninrim lelaiien, or cen wut inonin cewelig mevus. 23 Nihumor hurvor sigcevien nindilgin ruar cen wut inonin corog, ile wut coroghur. 24 En iwer bigcen ar, Agcigcelau cen neta tarog : in nitovonien atovon ivititovon listei bigcen nigcim, en bigcen tarog min listei ivihu. 25 Cen wut bigcen ei tivien ivihu mwin neta listei ; en dilin ei tisvienve neta ivilip neta tivien.

26 En iwer, Nimbasar ti Atua ino humor sigcoomp navan ran neten ; 27 en sigcemetur en sigcataris livaat en lerig, en navan siretip en siremeaur imbwit nihurnin. 28 Cen wut neten tei sombon igcur navan ; tihuman nereï, ta nin nimbatin en ta nin neve ran nimbatin. 29 Or wut navan imem, ishbimbarave itarwis in neimes, andewer niviiip ateïien iwelig.

30 En iwer, Devewer nimbasar ti Atua ino nihava ? i devetovon ei in nihava ? 31 Inotei nin wut niulin mustard, ei wut iambwi ei in leten wut ivare indau tuan trokoh leten or wut iambwi ei in leten, itip en imeaur banr nimemeten morsu tuan ar, en

itu nipwisran ar trembumbau ; cen wut monin netau nihuwe nin reroghur wut rokok silevun namol nin.

33 En in parabel renonin ralamp iwer nivagasien bigcen ar wut reroghur rerog : 34 en siswerve parabel, iswerve bigcen ar : or wut rokok lala iwer mevus neta morsu bigcen diseipel tiei ar. 35 En ran nilius tag wut nauut ivlivrap iwer bigcen ar, Ile devlog sigcau baran tivsun. 36 En relu niinau, reher ei inotei wut inono pilur ar ran nauagk. En nauagk halan rorop bonombon in. 37 En nigol nalag itumbatin, en nivurei netis revei ran nauagk, cen wut inonin nauagk imal covun. 38 En eitei sombon ran nimbun nauagk imetur ran neta tititulag ran : en remet ei en rewer bigcen ei, Nerovun, nistenve hur nunk wut tenden ? 39 En imet, en ivevelen nalag en iwer bigcen netis, Cuntamat, Cuninsar. En nalag iar en nauut tamatien timbau ito. 40 En iwer bigcen ar, Cen heven et ameta ? Asvienceive nirogdauien ? 41 En remeta butai, en rewer sise bigcen halan ar, Asigk ei ia cen wut inonin nilag en netis urar ino wut iwer ?

NUMBATIN 5.

1 En resincau bwelig ran tisventis baran nibasar Gaderen. 2 En wut ilu nauagk ishbimbarave tivvien nimwinin timolel urdivne in ei dilin nimbulieli ar nin nimorot tremis, 3 en ivvien neium tiei nin nimbulieli ar nin nimorot tremis, en nihumor imbwit cosdu ei, en inve netel netelai ; 4 andewer roosdu ei isampendau in netel en in netel netelai, en isuldur len netel en igcur netel netelai remeet petepet varire en nihumor imbwit cogcur camelau. 5 En tartar livaat en lerig ito ran niruu en len nimbulieli ar nin nimorot tremis, iulaul en ioros ei in neviti ar. 6 En wut iles Iesu silei irovorop en itu tamati hur ei, 7 en itegmagamag in nelen timbau, en iwer,

Kina nigcavagcur cetemwin in nunk, Iesu, Atua mortimbanr nivutun ? Kinagk necogcur cuwer cen Atua wut nunk cusigcurve nimben kinagk carar. 8 Cen wut iwer nro bigcen ei, Curop bwelig dilin nimorot, nunk temij timolel. 9 En iushur in ei, Nehem et ia ? En iwer bigcen ei nehe Lijon ; andewer camem milamp. 10 En inderim in ei butai wut sigcosur sigsigve ar dilin nimbasar. 11 En namol nin nimbuas timbau ikoh wutin ran tivsun neruu wut raan in. 12 En netemij reenderim in ei, rewer, cusursigsig camem belen nimbuas ar, cen wut inonin camem meilog belen ar. 13 En indam in ar. En netemij tiromolel rawelig dilin en ralog belen nimbuas ar : en namol rorop butai dogsip belen uti-liel balau, sutinbe ilagabul ilagabul ivalagabul iru ; en rendinden lau. 14 En ar tirevegen nimbuas ar rerop, en rewer ei eium, en lembusaivon. En rewelig cen wut siroles neta tiwelig nro. 15 En rewelig cen Iesu, en reles ei tiviiien nitemij ar isump, ivei len nivohon ambat en iroghur dal nauut, ei tiviiien nilijon : en remeta. 16 En ar tireles nro rewer bigcen ar titovon iwelig cen ei tiviiien nitemij ar, en hur nimbuas ar. 17 En retumbatin wut reenderim in ei wut colog bitivsin tiar. 18 En wut ilog ran nauagk, ei tiviiien nitemij ar iushur in ei cen wut coto hur ei. 18 En isdamve ei, or iwer bigcen ei, Culog beium tinunk bigcen nimurian ar, en cuwer bigcen ar neta tirombumbau Nirovun irar nro duun nunk, en wut iviiien nirog merivenien hur nunk. 20 En ilog hur nahal tiei, en itumbatin wut indighur bei Dikapolis titovon neta tirombumbau Iesu irar nro duun ei : en nimorot morsu rokumbwe.

21 En wut Iesu isencau nro ran nauagk bitivsun tes, niinau timbau rombonobon cor ei : en masasag nin netis. 22 En nirovun ise nin wut lesynacoc iwelig, nehen Jairus ; en wut iles ei isump hur nimbulun, 23 en inderim butai in ei, iwer, Nivutu

vun imetur wut irog nro ino wut cemes : nenderim in nunk wut cuwelig en cuvatu nivaram ran ei cen wut inonin comoas en cemeaur. 24 En ilog hur ei; en niinau timbau relog eta ei, en relog bulinbul in ei.

25 En momo tivien nenrei nin ivaravar netau ilagabul ise timan iru, 26 en irog irar neta tiralamp cen mortilau tralamp, en indama neta morsu tivien ar, en resrarve ei cele, or ililiv oror nimeheien, 27 wut irog hur nro Iesu, iwelig len nilugcusien ta on ei, en ivihi nivohon ambat tiei. 28 Cen wut iwer, Wut sigcevihi nivohon ambat tiei et corur kinagk. 29 En ishbimbarave navamp nin nenrei indent ; en irog nimben imela en nimeheien nin iar. 30 En ishbimbarave Iesu iroghur tei sombon ei neta tile itov dilyn ei, en iviis ei len nilugcusien, en iwer, Ia et ivihi nagcuvohon ambat ? 31 En diseipel tiei ar rewer bigcen ei, Ules niinau relugcus nunk, en uwer, Ia ivihi Kinagk ? 32 En igcigcelau morsuma cen wut sigcoles ei tirar nro netaigk. 33 En nimomo imeta en ipemp, en iroghur neta tirar cen ei en iwelig en isimbau human ei, en iwer bigcen ei neta baragcen morsu. 34 En iwer bigcen ei, Nivutu vun nimorogdauien iurur nunk ; culog lela, en nemeheien istove lis ran nunk.

35 Wut imilvivagas, nimorot rawelig dilyn neium nin nirovun wut lesynacoc, en rewer, Nivutum vun imes nro : cen heven umbwindal lis hur nimornin nivihinkien ? 36 En Iesu wut irog nivagasien tirewer, iwer bigcen nirovun nin wut lesynacoc, Cusmetave, curogdau tei sombon. 37 En indam Piter en James en Jon, James tesen, ar sileive lis rendig ei. 38 En rewelig eium nin wut nirovun wut lesynacoc ; en iles nimbwindalien en ar retigteg, en ar raulaul butai. 39 En wut iwelig lium, iwer bigcen ar, Cen heven et ambwindal et atigteg ? Nivilamp ismesve or imetur. 40 En ramas ei len itutauien. Or ei, wut iher ar bivusar, iher temen en hinen

nivilamp nin, en ar tirokoh hur ei, en ivei wutin nivilamp imetur in. 41 En ivurvur nivilamp in nivaran, en iwer bigcen, Talitha kumi, en nivagasien tiigk ino iwer, Nivilamp, Nigcawer bigcen nunk, Cutaris. 42 En ishbimbarave nivilamp itaris en ilogalog; cen wut imeaur netau ilagabul ise timan iru. En rokumbwe in nokumbwoien timbau. 43 En ivivelen butai bigcen ar nihumorhurvor cesroghurve netaiigk: en iwer bigcen ar cen wut rohu nisten bigcen ei cen wut caan.

NIMBATIN 6.

1 En ilog dilin wutin; en iwelig sendiei; en diseipel tiei relog ta ei. 2. En wut neautregien nin nisabat iwelig, itumbatin wut cewer vivi-hink lesynacoc: en ralamp wut rerog ei rokumbwe, en rewer, Nimorot asigk iroghur netaiigk ar dilin wut ambi? en nihava nivimolien tiniigk ihu bigcen ei cen wut nivanan irar neraien tiparas tinonin? 3 Asigkve mornin nimar-mole, Meri nivutun, James en Joses en Judas en Saimon tuan ar? en venen ar tiei reskohve eiigk pilur nigcint? En resinkon ei. 4 En Iesu iwer bigcen ar, Profit ivien niverovunien hurvor, or bisendiei, en hur nimurien ar, en lium tiei. 5 En wutin imb-wit nihurnin carar niraien tiparas ise, or itu nivanan ran nimor mehe reslampove, en igcur nimeheien reiar. 6 En ikumbwe cen nisrogdauieven nin ar. En ilogalog hur nimbasar ar en ivihink.

7 En ivivie ilagabul ise timan iru rawelig bigcen ei, en itumbatin wut cosursur uruaru sen si; en ihu niparasien bigcen ar cen nitemij trasamp; 8 en ivivelen len ar wut resherve nisten cen nilogien, ise naai asi; nitiptapve, noontve, nimonove in noontiar; 9 or aambeut len sandal ar, en asveive len nivohon ambat coru. 10 En iwer bigcen ar wut niseip basar avei lium, akoh wutin et aand elog

dilin wutin. 11 En ni humor siresherve nunk en siresrogve nunk, wut alog dilin wutin augkas nelas silevun nimbulun nigcim cen nuvutwutien dalien tiar. Baragcen newer bigcen nigcim, Indip butai ran eium tasigk cen niautregien nin niwusdigdigien, isnove ran Sodom en Comorra. 12 En relog enrap en rendighur wut nimorot raatal. 13 En rembura temij trasamp tralamp, en revetau in niwuswus ar tralamp tremehe en rogcur ar remeaur.

14 En Herod Nirovun irog hur ei ; cen wut nehen irop bwirimbwir : en iwer, Jon nibaptist itaris dilin ar tremis, en andewer tiigk niraien traparas revihink sombon ar in ei. 15 Or halan rewer, Ei tei eten Ilaija, en halan rewer, Ei tei eten profit, inotei profit ise. 16 Or Herod wut irog, iwer, Jon, tei noorpit mbatin, itaris. 17 Cen wut Herod ei tei sombon isursur nro en ivurvur nro Jon en ios nro ei lium nin noosien, andewer Herodias tinivun ti Filip, Herod tuan ; cen wut ikot nro ei. 18 Cen wut Jon iwer nro bigcen Herod, Isleve inoigk cen nunk wut cukot tinivun tuam. 19 En Herodias ivien nisinkonien hur ei, en irog wut cambwil ei ; en imbwit lilei. 20 Cen wut Herod imeta Jon, iroghur ei wut mortirar ile en ilau, en imindighur ei. En wut irog ei inrimrim morsu en irog ei cen nigalagalien. 21 En wut niautregien tile iweelig, cen wut Herod ran niautregien nin nivahien irar naanien tiliyrap bigcen vaalim tiei, en nimburei timbanr, en nimaralamp nin wut Calili. 22 En wut Herodias nivutun vun iweelig en ihap, en igcur Herod en ar tresump hur ei ragalagal ; en nirovun iwer bigcen nivilamp, cunderim in kinagk nisten turog, en nigcohu ei bigcam. 23 En iwer navar bigcen ei, nisten tigcunderim in kinagk, nigcohu bigcam, sigcono nuundun nimbasar tinirovun ran. 24 En ilog bei, en iwer bigcen hinen, Nihava neushur ? En iwer, Nimbatin Jon nibaptist. 25 En ishbimbarave iweelig garagar bwelig cen nirovun, en inderim,

iwer, Neriog nunk cuhu bigcen kinagk masimwin len niserau nimbati Jon nibaptist. 26 En nirovun irog meriven butai; or andewer nivivarien tiei ar, en ar tiresump hur naanien, isrogve wut kogcur kagcahal. 27 En ishbimbarave nirovun isursur nimburei, en iwer bigcen ei, wut celip bwelig nimbati: en ilog en, iorpet nimbati lium nin noosien, 28 En iher bwelig nimbati len niserau, en iher ei bigcen nivilamp; en nivilamp iher ei bigcen hinen. 29 En wut diseipel tiei ar rerog hur ei, rawelig en reveaus nimbwit milimp nin, en retu ei lembwiliel.

30 En Apostel rewelig bonombon cen Iesu; en rewer bigcen ei neta morsu trarar nro en neta morsu trevink nro. 31 En iwer bigcen ar, Awelig sombon dilin tuan ar bilembusaivon, en akohdau mwin. Andewer ralamp rewelig en relog, en resviiene nikohdauien cen wut raaan. 32 En relog, iviep lembusaivon baran nauagk dilin tuan ar. 33 En nimorot reles ar wut relog, en ralamp reroghur ar, en rerovorop bonombon bigcen wutin in nimbulun ar dilin wut eium morsu, en revei human ar en rewelig bonombon cen ei. 34 En Iesu wut ilu, iles niinau timbau, en irog meriven hur ar, andewer renonin shipship, tiresviiene nimorot tigcegcigcelau cen ar: en itumbati wut cevihink in ar neta trelamp. 35 En wut niautregien iveievei diseipel tiei rewelig cen ei, en rewer, Wut iigk nimbusaivon, en niautregien origk iveievei: 36 Cusursur ar cahal, cen wut inonin revelog bihurvor dilivus nauut, en beium ar, en reveul sisombon naanien: cen wut resviiene nisten wut raaan. 37 En ivagas derim en iwer bigcen ar, Agcuhu bigcen ar cen wut revaan. En rewer bigcen ei, Camem mivilog en camem mivilu naanien cen pene ilagabul ilagabul ivairu, en mivihu bigcen ar wut revaan? 38 En iwer bigcen ar nitiptap ive avien? agcilog en agciles. En wut reroghur, rewer, Elim en nimahal iru. 39 En iwer bigcen ar wut nimorot morsu re-

sump sisi ran nimune tiasen. 40 En resump enrap sisi, ilagabul ilagabul sisi, en ilagabul elim sisi. 41 En iher nitiptap elim en nimahal iru en igcelau bilenamap, en itu tamat hur ar, en ivurpet nitiptap ar; en ihu bigcen nidiseipel, ar cen wut retu ran noon ar; en nimahal iru ipindogon in ar morsu. 42 En nimorsu raaan en rembunt. 43 En reher dapdap nimilambusun in noont ilagabul nin timan iru revun, en in nimahal. 44 En nimorot tousan ilim raaan nitiptap ar. 45 En ishbimbarave ivaaurhur diseipel tiei ar wut ralog ran nauagk, en wut relog human bitivsun bei Bethsaida, en ei sombon isursur cahal niinau. 46 En tanin wut ivitle baran ar ivei ran neruu cen wut cevtu tamat. 47 En wut nauut livrapien iwelig nauagk ito livantis, en eitei sombon ran neten. 48 En iles ar rogcur nimben sombon ar rarar cen niveluhien cen wut nalag irivi dal ar, en wut nauut iveievei cen wut masasagbe cergic iwelig cen ar, ilogalog menamen ran netis, en irog ino wut cambanr. 49 Or ar, wut reles ei ilogalog menamen ran netis renrimrim ivi timij, en raulaul; 50 cen wut ar nimorsu reles ei, en rembulao. Or ishbimbarave ivagas bigcen ar, en iwer bigcen ar, Agalagal, Kinagk et neto, asmetave. 51 En iha bigcen ar baran nauagk en nalag isbauve lis: en rembulao ligalig butai in sombon ar, en rokumbwe; 52 cen wut rembwit nehurnin nitiptap, su nauanevis nin ar revivet.

53 En wut relog sincau nro, rewelig ran neten Jenesaret, en rerivi bwelig verehe. 54 En wut relu nauagk, ishbimbarave releshur ei, 55 en revercam ran neten morsu tag dilivus naaut, en retumbatin wut reher dilivus lenre ar tinin ar tremehe hurvor rerog ito. 56 En wutimbe morsu ivei eium ar, i siti ar, i lembusaivaon, retu mortremehe ran nahal, en renderim in ei cen wut revihi nivohon ambat tiei ise nimwimwim tei sombon: en nimorsu trevihi remeaur dal.

NIMBATIN 7.

1 En nifarisi ar en tuan ar skreib tresip bwelig nro dilin Jerusalem, 2 en treles nro diseipel tuan tiei ar raaan nitiptap in nivar molel, ino dewer nivarar ar resvivauve rokoh bonombon hur ei. 3 Cen wut nifarisi ar en nimorsu nin Ju ise resesisevulve nivarar ar bigcen nimbambap resaanve, raparas cen nimbwi demis nin nivagasien nin nimaralamp ar: 4 en wut rewelig dilin nisiran nivulvulien, ise resesisevulve resaanve. en neta halan tralamp reher cen wut raparas cen ar nilumusien ar nin kup ar, nikoroh, ninserau nin netelai miliag, e nnenre ar. 5 En nifarisi ar en niskreib ar renderim in ei, Cen heven diseipel tinunk ar reslogdapve cono nimbi demis nin nivagasien nin nimaralamp ar, or in nivarar ar ramolel raan nitiptap? 6 En iwer bigcen ar, Esaias iwer baragcen nuye hur nigcim nimarambog ar, inotei nin itis, Nimorot tiigk rewer ile bigcen kinagk in nimbogon ar, or navanevis nin ar rokoh si lei dilin kinagk. 7 Or cen ohoiien rewer ile hur kinagk, revihink nivihinkien ti nimorot ar. 8 Cen wut atusar nivagasien ti Atua, en aparas cen nimbi demis nin nivagasien ti nimorot. 9 En iwer bigcen ar agot nivagasien ti Atua cen wut inonin agcelau hur nimbi demis nin nivagasien ti nigcim. 10 Cen wut Moses iwer cunrimrim hur tamam en hinam cele, en ei tiwer hethet hur temen i hinen ile imes nimisien: 11 or awer nihumor sigcewer bigcen temen i hinen neta tugcuvalip dilin kinagk, Ei corban, inotei wut dewer Ilau; 12 Awer bigcen ei wut cesrarve nisten bigcen temen i hinen; arar nivagasien ti Atua ivita ohoi in nirarhurien ti nigcim neta tararhur: en neta tralamp inotei ar arar. 14 En ivi vie dal niinau bigcen ei, en iwer bigcen ar, Nigcim morsu arog kinagk, en aroghur: 15 Nistenve ti vusar hur nimorot wut ivei len ei iroghur cogcur ei ceslauve: or neta trewelig mevus dilin nimorot tiigk

rogcur nimorot islauve. 16 Wut nihumor sigceviien indilgin wut corog ile corog. 17 En wut ivei nro lium dilin niinau, diseipel tiei renderim in ei parabel. 18 En iwer bigcen ar, Nigcim asvi mormoleive sigceiev? Asroghurve wut neta morsu tivusar tivei len nimorot imbwit cogcur ei islauve; 19 andewer isveive len navanevis nin, or len neveten, en ivei mevus cen nitaar tisurkas naanien morsu. 20 En iwer wut neta tivei mevus dilin nimorot netaigk igcur ninorot islauve. 21 Cen wut len nimusin dilin navanevis nin nimorot ar rinrimrimien tresamp revei mevus, nilaien ar niovien ar, nitelimprien ar, niva-naien ar, nimbundabundien ar, nisampien ar, nivaambogien, nimekorien, nemet tisamp, nivagasien hethet, nisegkhurien, nililien: 23 neta morsu tiigk revei mevus dilin nimusin, en rogcur nimorot islauve.

24 En dilin wutin itaris, en iwelig mevus bei wut indivne in Tur en Saidon. En ivei lium en igot nimorot riroghur: en imbwit coto lela. 25 Or ishimbarrave momo nivutun vun tivare iviien nimwinin timolel, irog hur ei, en iwelig en isumpau hur nimbulun. 26 En ei momo nin wut Crees, ei Sairophenisia cen nimbatin. En inderim in ei cen wut coomp nitemij dilin nivutun vun tiei. 27 En iwer bigcen ei, Cuholur nivutun ar raan imabu human: cen wut isleve wut cuher nitiptap nin nivutun ar, en cuomp ei bigcen ambwir ar. 28 Or ivagas derim en iwer bigcen ei, E, Nirovun, en ambwir ar silevun nitabel raan nigcohon tuan ti nimbunog ar. 29 En iwer bigcen ei, Andewer nivagasien tiigk culog cahal nitemij tisamp ivei mevus dilin nivutum vun. 30 En ivei mevus bilium tiei, en isuur nivutun vun imetur ran nendre en nitemij tisamp ivei mevus dilin ei.

31 En ivei mevus dal dilin wut indivne ar nin wut Tur, en Saidon, en iwelig hur netis Calili, durlen wut livu wut indivne in Dikapolis. 32 En revauus nimorot timboror en nivugcol bwelig cen ei: en renderim

in ei wut coto nivanan ran ei. 33 En iliple ei dilin niinau, en itu nimbaran varan hur nimbwidilgin ruar, en ivurei, en ivihi melambugun ; 34 en igcelau bilenamap, en igarsire, en iwer bigcen ei, Effatha, inotei, Aumatamp. 35 En nimbwidilgin urmatamp, en netel nin nimalambugun imogcologcol, en ivagas ile. 36 En ivivelen cen ar wut reswerve bigcen nihumor hur ei ; or minlistei ivivelen cen ar, minlistei rendighur butai dagadag, 37 En rekumbewe imbau butai dagadag, rewer irar neta morsu rele ; en irar nimboror rerog en nimbutinbut ravagas.

NIMBATIN 8.

1 Ran nilius tag ar niinau timbau butai rokok, en resviienve nisten cen wut raan, en Iesu ivivie diseipel tiei ar bwelig cen ei, en iwer bigcen ar, 2 Nerog meriven niinau, wut origk nilius cotil rokok hur kinagk, en resviienve nisten cen wut raan : 3 en ise nigcosursur cahal ar beium tiar wut resaanve human remilimp hur nahal ; en tuan ar rewelig silei. 4 En diseipel tiei ar ravagas derim bigcen ei, Dilin wutimbe nihumor iroghur ivegen nimorot tiigk ar in nitiptap lembusaivon ? 5 En inderim in ar nitiptap ive avien ? En rewer sauru. En iwer bigcen niinau wut resump leten : en iher nitiptap sauru, en itu tamat, en ivurpet, en ihu bigcen diseipel tiei ar cen wut inonin retu ran noon ar ; en retu ar ran noon niinau. 7 En revien nimahal ravarere reslampovei : en wut ivtu tamat nro hur ar iwer wut retu ar ran noon ar. 8. En raaan en rembunt : en revaus wut sumpsar nene nin nimelambusun noont sauru. En ar traaan ar tousan ives : en isursur cahal ar. 10 En ishbmbarave ilog bei ran nauagk pilur diseipel tiei ar, en iwelig bigcen wutuan ar Dalmanutha.

11 En nifarisi rewelig mevus, en retumbatin wut renderim digdig in ei, renderim digdig in ei nivihin-

kien dilin wut lenamap, repihal ei. 12 En igarsire butai len nimwinin ei, en iwer, Cen heven mortior ar tiigk regcelau hur nivihinkien ? Baragcen, nigcawer bigcen nigcim, Sigcoshuve nevihinkien bigcen mortior ar tiigk. 13 En isursur cahal ar, en ilog lis bei ran nauagk, en ilog cahal pitivsun.

14 En resinbug wut reher nitiptap ; en reviiën nitiptap isetei ran nauagk. 15 En ivivelun len ar en iwer, Agcigcelau, alisalis, liven nin Farisi ar, en liven nin Herod. 16 En revevagas sombon ar en rewer, wut camem misviiënve nitiptap. 17 En Iesu iroghur en iwer bigcen ar, Cen heven avevagas wut asinviiënve nitiptap ? Asleshurceive en asroghurceive ? Aviiënenceiev navanevis nin nigcin revivet ? 18 Aviiën nimeten, aslesve ? En aviiën indilgin, asrogve ? en asrimrimve ? 19 Wut nevurpet nitiptap ilim bigcen tousand ilim noont ive revun nimelambusen avaus ? Rewer bigcen ei nilagal ise nin timaniru. 20 En wut nitiptap isauru bigcen tousand ives, noont ive revun nimelambusen ? En rewer bigcen ei, Isauru ? 21 En iwer bigcen ar, Cenheven asleshurve.

22 En iwelig bei Bethsaida. En reher nimorot timbar bwelig cen ei, en rendinderem in ei wut cevihi ei. 23 En ivurvur nimorot timbar in nivaran, en itetei lelog ei dilin wut eium ; en wut ivurei nro len nemeten, en itu nro nivaran ran ei, inderim in ei, 24 Cules nisten ? En igcelau tavera en iwer, Neles nimorot ar reno naai relogalog. 25 Ta nin itu dal nivaran ran nimeten, en igcur ei igcelau tavera, en nimeten urmoase, en iles neta morsu ile. 26 En isursur cahal ei bilium tiei, en iwer, Cuslogve beium, en cuswerve bigcen nihumor eium.

27 En Iesu en diseipel tiei ar relog mevus beium ar ti Siserea Filipi : en ran nahal inderim in diseipel tiei ar, iwer bigcen ar, Nimorot rewer kinagk et ia ? 28 En revagas derim, Jon nibaptist, en tuan ar Elias, en tuan ar ise nene profit. 29 En iwer bigcen

ar, Nigcim awer kinagk et ia ? En Piter ivagas derim en iwer bigcen ei, Nunk nikristo. 30 En ivivelen len ar wut reswerve bigcen nihumor hur ei. 31 En itumbatin wut cevihink in ar wut Nimorot Nivutum irog tei nisigrar nin neta trelamp, en wut nimaralamp en prist en skreib rogot tei en cemes tei en tanin nilius itil cemeaur dal tei. 32 En ivagas mevus nivagasien. En Piter iher ei en itumbatin wut ivevelen len ei. 33 En iviis ei en iles diseipel tiei ar en ivivelen len Piter en iwer, Culog bita kinagk, Satan : cen wut cuwer neta arve ti Atua, or neta tinimorot ar. 34 En ivivie niinau pilur diseipel tiei ar bwelig cen ei, en iwer bigcen ar, Nihumor tigcorog cawelig ta kinagk, ile wut ikampincor sombon ei, en ile wut cepit naai tiei, en ile wut cendig kinagk. 35 Cen wut nihumorhurvor tiriog cotundag nimwinin ei ceviep ei ; en nihumorhurvor tigceviep nimwinin ei andewer kinagk en nivagasien tile sombon ei cotundag ei. 36 Cen wut nihave corop nimorot, sigcelihi neten morsu en ceviep nimwinin ei. 37 I, nihava nihumor cohu sisolen nimwinin ei ? 38 Cen wut nihumor tigcemimian kinagk en nivagasien tigkinagk len nimorot tiigk ar trala en traparas cen nisampien, en Nimorot nivutun cememian ei wut cawelig len niseqkhurien ti Temen, pilur niagelo trelau.

NIMBATIN 9.

1 En iwer bigcen ar, Baragcen nigcewer bigcen nigcim, tuan nin ar trataris eiigk resmemenrogve nimisien, human reles nro nimbasar nivirovunien ti Atua iwelig nro in niparasien. 2 En tanin wut ilius sause Iesu iher hur ei Piter en James en Jon en iher ar bwelig ran neruu timbarap dilin tuan morsu ar : en Atua iviis ei len noon ar : 3 en nivohon ambat tiei rerigreg, remevus papa reno nisno ; fuler leten imbwit carar ar remevus renonin. 4 En reles Elaias

pilur Moses: en urvivagas bonombon in Iesu. 5 En Piter ivagas derim en iwer bigcen Iesu, Rabbi, ile cen camem mekoh eiigk: en ile wut mirar nivaval cotu; cese bigcen nunk, en cese bigcen Moses, en cese bigcen Elaias. 6 Cen wut isroghurve nivagasion tivagas, cen wut remeta. 7 En nimeligk iwelig en itevun ar: en nelen iwelig dilin nimeligk, iwer, Nimorot iigk nagevutunien: arog ei. 8 En ishbimbarave, wut regcelau aiau nro reslisve lis nihumor, or Iesu sitei pilur sombon ar. 9 En wut resip ran niruu ivivelen len ar, cen wut inonin reswerve bigcen nihumor neta ar treles nuwie nimorot nivutun itaris dilin ar tremes. 10 En revurvur nivagasion, en rendinderim sombon in ar nitarisien dilin ar tremes et nihava. 11 En renderim in ei, rewer, Cen heven niskreib rewer, wut Elaias cawelig tei human. 12 En ivagas derim en iwer bigcen ar, Baragcen Elaias iwelig human, en irar baah dal neta morsu: inotei retis hur Nimorot Nivutun, cen wut inonin irog nisigrar in neta tralamp, en rarar ei ino neta ohoi. 13 Or newer bigcen nigcim wut Elaias iwelig nro, en rarar nro hur ei neta morsu trerirog, inotei retis nro hur ei.

14 En wut rawelig nro bigcen diseipel tiei ar, reles niinau timbau dilivus ei, en niskreib rendinderim in ar. 15 En ishbimbarave niinau morsu wut reles ei, rekumbwe, en roverop bigcen ei, en ravagas melau bigcen ei. 16 En inderim in niskreib ar andenderim in ar cen hava? 17 En ise len niinau ivagas derim en iwer, Nimorvivihiink neher nro nivutu bwelig cen nunk. Iviien nimwinin tipbutenbut; 18 en ambi morsu iher ei iveris ei; en irar nimbuhun ivap en iasasgin riginr in nilivon, en imaris: en newer bigcen diseipel tiei ar cen wut inonin roomp ei; en rasparasve. 19 En ivagas derim en iwer, Nimorot trokoh origk asrogdauve, bwelig cen geie nigcoto hur nigcim? bwelig cen geie nigcaparas hur nigcim? Agceher ei bwelig cen kinagk. 20 En re-

her ei bwelig cen ei : en wut iles ei, ishbimbarave nimwinin inris ei ; en isep leten, en ikulakul, en irar nimbuhun ivap. 21 En inderim in temen, Geie tiigk iwelig ran ei ; en iwer, Wut ipbunog. 22 En ivivalamp ioomp ei belaamp, en belue, cen wut inonin cembwil ei ; or sigceleshur curar nisten, currog meriven en curop camem. 23 En Iesu iwer bigcen ei, Sugcuroghur curogdau, neta morsu raparas cen ei tirogdau. 24 En ishbimbarave nimbunog temen itegmagamag, en iwer, Nerogdau, curop nisrogdauie nve nin kinagk. 25 En wut Iesu iles wut ninau rerop bonombon ivivelen len nimwinin timolel iwer bigcen ei, Nunk, nimwinin tipmbutenbut en timboror, kinagk nigcewer bigcen nunk, Cuwelig mevus dilin ei, en cusveieve lis cen ei. 26 En wut iteg magamag nro en inris nro, iwelig mevus. En ito ino imes ; cen wut inonin ralamp rewer, Imes. 27 En Iesu ivurur ei in nivaran, en irapenras ei ; en itaris. 28 En wut iwelig nro lium, diseipel tiei ar renderim lela in ei, Cen heven camem misroghurve meomp kas ei. 29 En iwer bigcen ar, neleg nin tiigk iroghur cawelig in nitutamaten en naanienve, tiru tei nin tislive.

30 En relogale en relog dur len wut livu nin wut Calili ; en igot nihumor coroghur. 31 Cen wut ivihigk in diseipel tiei ar, en iwer bigcen ar, Rohu Nimorot Nivutun bigcen nivaran nimorot ar, en revimbwil ei ; en tanin wut rembwil ei, cemeaur dal len neautregien titil. 32 Or resroghurve nivagastien tag, en remeta cen wut resinderimve in ei.

33 En rewelig bei Kapernaum : en ito lium, en inderim in ar, Nihava et akakar sombon nigcim hur nahal ? 34 Or resvagasve : cen wut hur nahal rakakar sombon ar, ia tigcambanr. 35 En isump, en ivivie nilagabul ise nin timan iru, en iwer bigcen ar, Nihumor sigcorog cevei human, cevei ta, en carar niraien cen nimorsu. 36 En iher bunog, en ihu ei livu nin ar : en ivaus ei in nivaran en iwer bigcen ar,

37 Nihumor hurvor tiher nimbunog ise inotei, en nehen kinagk, iher kinagk : en nihumor hurvor tiher kinagk, iher kinagkove, or ei tisursigsig kinagk. 38 Jon ivagas derim en iwer, Nagcurovun, miles ise iomp kas nitemij tresamp en nehem, en islogave ta camem : en camem mivevelen, ei, cen wut islogave ta camem. 39 Or Iesu iwer, Asvivelenve cen ei ; cen wut nihumor sigcarar nemeligcil en nehe imbwit nihurnin wut cewer sampasamp len itutauien hur kinagk. 40 Cen wut nimorot nimorvaalve nin camem ei nimurien nin camem. 41 Cen wut nihumor hurvor tihi bigcen nigcim kup naue cen wut amin en nehe, andewer nigcim nimorot ti Kristo, Baragcen, newer bigcen nigcim, isipeve nimarhau tiei. 42 En nihumor hurvor tigcur nimbunog tivare ise isinkon tirogdau ran kinagk, nerog ile butai cen ei wut reesilvi nevit nin mil cor in nin delen, en wut roomp ei belen netis. 43 En nivaram sigcogcur nunk cusinkon, cutarpit ei : nerog ile butai cen nunk wut nunk nivarmut culog belen nimeaurien, or wut nivaram sigcoruran culog belen nihel tiresindilhive : 44 wutin nindiles nin ar ismesve en naamp ismesve. 45 En nimbalum sugcogcur nunk cusinkon, cutarpit ei : nerog ile butai cen nunk, wut nunk nimbulemut culog belen nimeaurien, or wut nimbulum sigcoruran roomp nunk belen nihel, belen naamp timeaur tuei tartar, 46 wutin nindiles nin ar ismesve en naamp ismesve. 47 En nimetam sugcogcur nunk cusinkon cuher kas ei : nerog ile butai cen unk wut nambar culog baran nimbasar ti Atua, or wut nimetam sigcoruran roomp nunk belen naamp tihel : 48 wutin nindiles nin ar ismesve, en naamp ismesve. 49 Cen wut retu nisal ran nimorot morsu in naamp, en retu nisal ran nitamav morsu en nisal. 50 Sal ile : or wut nisal sigceiev nisalieu tiei, en et nihava arar ei cevsal lis ? Aviiien sal belen sombon nigcim, en aviiien tamat dogon nigcim.

NIMBATIN 10.

1 En itaris le, en iwelig hur wut tindivne in Judia masasag tivsun Jordan : en niinau rewelig bunsar dal bigcen ei ; en ivihink in ar inotei ivihink human. 2 En nifarisi rewelig cen ei, en renderim in ei, Curog ile nihumor itusar tinivun ? Repihal ei. 3 En ivagas derim en iwer bigcen ar, Nihava Moses iwer nro bigcen nigcim ? 4 En rewer, Moses iwer, Negrog ile cutis naval cen neleieven, en cutusar ei. 5 En Iesu ivagas derim en iwer bigcen ar, Cen nava-nevis nin nigcim raparas itis cen nigcim nivagasien tiigk. 6 Or dilin nimbatin wut itivin neta morsu, Atua irar ar nimorot en nimomo. 7 Andewer tiigk nimorot colog dilin temen en hinen en igcalencal tinivun ; en ruar nimben ise : en ruar ursruve lis, or nimben ise. 8 Eten neta Atua ilindu bonombon, isleve nihumor cotu sise. 10 En lium nidiseipel tiei renderim in ei hur tinindei lis. 11 En iwer bigcen ar, Nimor hurvor titusar tinivun, en tiher halan, irar sampasamp cen ei : 12 En ei tei sombon situsar tinaman, en siher halan, irar sampasamp ei.

13 En reher nimbunog trembwindembant bwelig cen ei, cen wut inonin cevihi ar : en diseipel tiei ar revivelen tag ar treher ar. 14 Or wut Iesu iles nro, insinkon butai, en iwer bigcen ar, Agcurar nimbunog trembwindembant reviwelig bigcen kinagk, en agcuswerve wut cesleve reviwelig : cen wut ar treniigk nimbasar ti Atua. 15 Baragcen, nigcewer bigcen nigcim, Nihumor hurvor tisherve nimbasar ti Atua tino nimbunog tivare, cesveive wutin. 16 En iroro ar en nivaran, en itu nivaran ran ar, en iwer ile cen ar.

17 En wut ilog mevus bei hur nahal ise iwelig iropirop, en isimbau hur ei, en inderim in ei, Nigcorovun ule, nigcarar nihava cen wut nigceviien lis meaurien tartar ? 18 En Iesu iwer bigcen ei, Cen heaven et uwer bigcen kinagk ule. Nihumor isleheve

or isetei, Atua. 19 Curoghur neta ar ti Atua iwer, Cusveive cen nimomo nin nimonve, Custelimpve, Cusvannave, Cusvaambogve hur mornin tuan, Cusviisve, Curar navanevis nin nunk cele cen tamam en hinam. 20 En ivagas derim en iwer bigcen ei, Nagcurovun, netaigk morsu negcigcelau cen wut nepbunog. 21 En Iesu ileshur ei, en irirog ei, en iwer bigcen ei, Neta ise cusvienve : culoghur nahal nin nunk, cundam neta morsu tuvien en cuhu bigcen trepenbahal, en cuvivien neta marsigk nin wut lemligk ; en cuwelig, en cupit naai, en cuwelig ta kinagk. 22 En navanevis nin ei itital cen nivagasien tag, en ilogcahal, navanevis nin ei irar : cen wut ivien neta trembumbau trelamp. 23 En Iesu iles dilivus ei, en iwer bigcen diseipel tiei ar, Iparas butai cen ar trevien neta marsegk wut revei ran nimbasar ti Atua ! 24 En diseipel tiei rekumbwe cen nivagasien ar tiei. Or Iesu ivagas derim lis, en iwer bigcen ar, Nimbunog ar, iparas butai cen ar trarogdau in neta marsegk wut trevei ran basar ti Atua ! 25 Ipmoarien cen kamel wut ilog durlen nimeten tinidel, isnove cen nihumor tivien neta tralamp wut ivei ran nimbasar ti Atua. 26 En rekumbwe nekumbweien timbarap nin nititivonien, en rewer bigcen sombon ar, En iroghur covurvur ia ? 27 En Iesu iles ran ar en iwer, Nihumor imbwit carar ei, or Atua iroghur carar ei : cen wut Atua iroghur carar neta morsu. 28 En Piter itumbatin cewer bigcen ei, Cules, camem miseresar neta morsu, en mewelig ta nunk. 29 En Iesu ivagas derim en iwer, Baragcen nigcewer bigcen nunk, Nihumor tisiseresar neium, i tuan ar, i venen ar, i temen, i hinen, i tinivun, i nimbunog ar, i neten ar, andewer kinagk en andewer nivagasien tile ceher iva ilagabul ilagabul origk origk eten, neium ar, en tuan ar, en venen ar, en hinen ar, en nimbunog ar, en neten ar, hur nipbatrarien ar ; en ran neten tigcawelig meaurien tartar. 31 Or ra-

lamp trevei human revivei ta ; en trevei ta revivei human.

32 En relog ran nahal retogha bei Jerusalem : en Iesu ilog human ar ; en rekumbwe ; en ar trelog ta remeta. En iher dal nilagabul ise nin timaniru, en itumbatin cawer bigcen ar neta ar trewelig bigcen ei, 33 Iwer, Ales, Datogha bei Jerusalem ; en revihu Nimorot Nivutun bigcen prist trembumbau, en bigcen skreib ar ; en reviwel ile wut cemes, en revihu ei bigcen Jentiles : 34 En revitutau ei, en revitelimp ei, en revevurei ei, en revitelimp ei : en ran niautregien itil ipmeaur dal. 35 En James en Jon, Zebidi nivutun ruar urwelig bigcen ei, en urwer bigcen ei, Nirovun ti rumem, muirog nunk curar bigcen rumem neta morsu timuirog. 36 En iwer bigcen ar, Nihava et aruirog nigcarar bigcen ruum ? 37 En urwer bigcen ei, Cuhu cen rumem cen wut mursump, ise ran ivaram baragcen, en halan ran nivaram dilmeiyer, len niriigregien tinunk. 38 Or Iesu iwer bigcen ruar, Arsroghurve nihava et tarenderim : Arroghur wut arcemin len nikup tinigcevmien len, en revibaptais ruum len nibaptaisien trabaptais kinagk ? 39 En urwer bigcen ei, Muroghur. En Iesu iwer bigcen ruar, Arvimin len nikup tinigcevmien len ; en trebaptais ruum len nibaptaisien trabaptais kinagk : 40 or tigkinagkove cen wut nigcohu bigcen ruum wut arvisump ran nivara baragcen, en ran nivara dilmeiyer ; or tiei cen ei rarar ei. 41 En wut nilagabul rerog ei retumbatin wut tresinkon butai hur James en Jon. 42 Or Iesu ivivie ar bwelig en iwer bigcen ar, Aroghur wut ar trenrimrim wut revrovun nin Jentiles rarar ar rarar neraien ; en ar trembumbau len ar revien niparasien len ar. 43 Or cesnove cen nigcim : or nihumor hurvor sigcori-rog cevimbau len nigcim cevmoret nin niraien len nigcim : en nihumor hurvor len nigcim sigcori-rog cambantr, cevvar bigcen nimorsu. 45 En cen wut nimorot nivutun isweligve cen wut nihumor carar

neraien bigcen ei, or cen wut carar neraien bigcen morot ar, en cen wut cohu nimeaurien tiei nimarhau cen niinau.

46 En rewelig bei Jeriko : en wut logale dilyn Jeriko hur diseipel tiei ar en niinau timbau, Bartimeus nambar, Timeus nivutun, isump hur tivsun hal, igit. 47 En wut irog nro wut Iesu nin wut Nasaret iwelig, itumbatin wut ivivie, en wut iwer Iesu Devid nivutun, urog merivenien cen kinagk. 48 En ralamp revivelen cen ei wut cota lela: or ilaul butai dagadag, Devid nivutun, curog merivenien hur kinagk. 49 En Iesu itaris lela en iwer, Avivie ei. En revivie nimorot timbar, en rewer bigcen ei, Cuvegagalal, cuvetaris ; ivivie nunk. 50 En wut iomp nivohon ambat itaris, en iwelig cen Iesu. 51 En Iesu ivagas derim en iwer bigcen ei Nihava et urirog wut nigcarar bigcen nunk. En nimorot timbar iwer bigcen ei, Nagcurovun, nerog ino wut nigcegicgelau. 52 En Iesu iwer bigcen ei, Culoghur nahal nin nunk, nirogdauien nin nunk igcur nunk umeaur. En ishbimbarave igcigcelau, en ilog ta Iesu hur nahal.

NIMBATIN 11.

1 En wut reviwelig masasag nin wut Jerusalem, bei Bethfej, en Bethany hur niruu Olives, isursur diseipel tiei iru, 2 en iwer bigcen ruar, Auviloghur nahal nin ruum beium tivsun : en wut auvilog bei, isnoimbarave auviles kolt itagcau, nihumor isumpceive hur ei ; Auviholur ei, en auviher bwelig. 3 En nihumor sigcewer bigcen ruum, Cen heven et aurar tiigk ? Auwiwer wut Nirovun ceviiën nerirogien hur ei ; en ishbimbarave ivisursur ei wutin. 4 En urloghur nahal nin ruar, en urles kolt itagcau masasag nin nimbusis bivusar ran nimbasar wut nahal iru urdivne in ; en urholur ei. 5 En tuan ar trataris wutin rewer bigcen ruar, Aurar nihava auholur ni-

kolt. 6 En urwer bigcen ar inonin Iesu iwer nro : en rewer bigcen ar, ile wut auloghur. 7 En urlip bwelig nikolt cen Iesu, en uromp nivohon ambat ti ruar ran ei ; en Iesu isump ran ei. 8 En ar tralamp ravales nivohon ambat nin ar ran nahal ; en tuan reterei nipisran naai ar, en rembura ar hur nahal. 9 En ar tralog human, en ar tralog ta revivie en rewer, Hosana ; En ile tiwelig cen nehen nin Nirovun : 10 Ile nimbasar nin Devid temen nigcint, tiwelig cen nehen nin Nirovun : Hosana letimbu nin eten. 11 En Iesu ilog bei Jerusalem, en belium tempel ; en wut igcigcelau nro ran neta morsu, en wut nauut livrapien iwelig nro origk, ilog mevus bei Bethany pilur nilagabul ise nin timan iru.

12 En len tilavu, wut rawelig nro dilin Bethany, ivitol. 13 En iles naai fic silei tiviiën nerei nin, en iwelig wut sigcoles nisten ran ei : en wut iwelig nro islesve nisten or nerei tei nin ; cen wut niliusve nin fic ar. 14 En Iesu ivagas derim en iwer bigcen ei, Nihumor cesaanve dilin nunk tuei tartar. En diseipel tiei ar rerog ei.

15 En rewelig bei Jerusalem : en Iesu ilog belium tempel, en itumbatin wut coomp ar trendam en trevul lium tempel, en iveinran nitabel ar nin nimorot tresarlilis nimone, en naai sumpsunmp ar nin ar trendam nemen ar ; 16 en isindamve nihumor cetambur niserau dur lium tempel. 17 En ivihink in ar, en iwer bigcen ar, Istisve ei ? Nimorot morsu revewer neium nin netu tamatien ran nugceium ? or agcur nro ei nimbwiliel nin mortrevevana. 18 En niskreib ar en prist ar trembumbau rerog ei, en regcigcelau cen wut reembwil ei : cen wut remeta ei andewer nimorot morsu rekumbwe cen nivihinkien nin ei.

19 En wut nauut livrapien iwelig ilog mevus dilin nisiti.

20 En livahat wut raloghur, reles naai fic imes dilin nimbatin. 21 En Piter inrimrimhur en iwer bigcen ei, Nirovun, cules naai fic usur misien hur ei imes nro. 22 En Iesu ivagas derim en iwer bigcen ar, Avivien nirogdauien hur Atua. 23 Baragcen nigcewer bigcen nigcim, Wut nimwinhurvor sigcewer bigcen neruu iigk, Ivivaus en ivoomp nunk belau ; en isgarhurve ran navanevis nin, or irogdau wut neta tiigk ar tiwer reviwelig ; ivivien neta morsu tiwer. 24 Andewer iigk nigcewer bigcen nigcim, neta morsu wut atu tamat en anderim, arogdau wut aher en avivien ar. 25 En wut avitaris en avitu tamat, avivalisbaa, saavien nisten hur nihumor ; cen wut temen nigcint titolemeligk ivivalisbaa neta trasamp tarar. 26 Or sugcesvalisbaave, temen nigcint titolemeligk cesval isbaave nisampien nin nigcim.

26 En rewelig lis bei Jerusalem : en wut ilogaloglium tempel niprist trembumbau, en niskreib ar, en nimaralamp ar rewelig cen ei, en rewer bigcen ei, In niparasien et nehava urar neta iigk ar ? 29 En Iesu ivagas derim en iwer bigcen ar, Nigcushur in nigcim neta ise, en wut avagas derim kinaok nigcewer bigcen nigcim niparasien in ei nerar neta iigk ar. 30 Nibaptisien nin Jon iwelig dilin nime ligk i dilin nimorot ? avagas derim kinagk. 31 En ravagas sombon ar, rewer, Sindewer, Dilin nimeligk ; cewer, En cen heven asrogdauve ei ? 32 Or sindewer, Dilin nimorot remeta nimorot ar ; cen wut nimorsu revien Jon, wut ei profet baragcen. 33 En revagas derim en rewer bigcen Iesu, Camem misrognurve. En Iesu ivagas derim en iwer bigcen ar, En nigceswerve bigcen nigcim niparasien in ei narar neta iigk ar.

NIMBATIN 12.

En itumbatin wut iwer bigcen ar hur nivurvurien. Nihumor iambwi vein ar lenhau, en itu nilit cor, en nl nimbwiliel nin nahun, en irar neium, en indam ei bigcen mortrarar nehau, en ilog bisilei. 2 En ran nilius tile isursur hur nimorot trarar nehau mortei, cen wut sigcelip dilin nimorot ar trarar nehau tuan nvan sut dilin nehau nin vein. 3 En revurvur, en rembwil ei, en reholur ohoi ei. 4 En isursur dal morteei tuan bigcen ar ; en in ei rembusi nevit, en retuundur nimbatin, en reholur ei wut rarar nro he-thet ei. 5 En isursur dal tuan ; en rembwil ei, en ar tralamp nin tuan ar. 6 Nivevutunien tiei ise ito ceiev, en isursur ei ta bigcen ar, Iwer, Revindindil rirog bigcen nivutu. 7 Or nimorot tiigk ar trarar nehau rewer sombon ar, Nimorot tiigk cevivien neta morsu titemen ; aviwelig, cele wut devimbwil ei, en devivien neta morsu. 8 En reher ei en rembwil ei, en roomp ei dilin nehau nin vein. 9 Nihava nirovun nin nehau nin vein ivigcur ? Iviwelig en ivimbwil nimorot ar trokoh cen nehau, en ivihu nehau nin vein bigcen tuan ar. 10 En aslisve nitusien tiigk ; Nevit, nimorot ar trarar neium rogot, itu bigcen nimbatin nin nelelan : 11 Nirovun igcur tiigk en ei nikumbweien len nime-ten nin nigcint ? 12 En regcelau cen wut reher ei, or remeta nimorot ar ; cen wut re roghur wut iwer nivurvurien in ar : en reholur ei en reloghur nahal nin ar.

13 En resursur bigcen ei tuan ar Farisi ar en nimucut ti Herod, cen wut inonin reher ei cen nivagasien nin ei. 14 En wut rewelig nro rewer bigcen ei, Nirovun nin nigcint, meroghur wut nunk baragcen, en usmetave humor, en wut uslesve cen nimben nin morot ar, or uvihink nahal nin Atua cen baragcen : Ile wut mihu takis cen Sisar, i ihethet ? 15 Mivihu i misvihuve ? Or iroghur nivaambogien

nin ar, en iwer bigcen ar, Nihava et apihal kinagk ? Agceher bwelig mone ise cen kinagk, cen wut nigcoles. 16 En reher bwelig. En iwer bigcen ar, nimaulen tiigk nin ia, en nitusien nin ia ? En rewer bigcen ei, Nin Sisar. 17 En Iesu ivagas derim en iwer bigcen ar, Agcuhu bigcen Sisar neta ar tiarien Sisar, en bigcen Atua neta ar tiarien Atua. En rekumbwe cen ei.

18 En Sadusi rewelig cen ei, rewer wut nitavaraen isese ; en renderim in ei, rewer, 19 Nirovun nin nigcint, Moses itus bigcen camem, Tuan nihumour sigcemis, en sincotusar tinivun, en sigcesvienve nimbunog, wut tesen ceher tinivun, en isien nimbunog nin tuan. 20 En tesen tuan tresauru rakoh : en tihuman iher tinivun, en imes en isisienve nimbunog. 21 en halan titoghur iher ei, en imes, en isisienve nimbunog sut, en naai tilian inonin. 22 En ar tisauru reher ei, en resisienve nimbunog sut : en nimomo imes ta. 23 Len nitaveraien wut retavera, ei tinivun nin ia tiar ? Cen wut Isauru relip ei. 24 En Iesu ivagas derim en iwer bigcen ar, Andewer iigk asrimrimbelenbelve, wut asroghurve nitusien ar, en niparasien nin Atua ? 25 Cen wut retavera dilin nimorot tremes, reslipve momo, en resrarve nikotien ; or ar reno niagelo nin wut lemeligk. 26 En hur mortremes, wut retavera dilin nimorot tremes : aslesve len naval nin Moses, itemwinin lembusaivon Atua ivagas bigcen ei, iwer, kinagk Atua nin Abraham, en Atua nin Aisak, en Atua nin Jakob ? 27 Ei Atuave nin mortremes ; or Atua nin mortremeaur : nigcim anrimrimbelenbel timbau.

28 En ise nin skreib iwelig, en irog ar tremrimrim bonombon, en wut iroghur wut ivagas derim ar ile inderim in ei, timbe nivagasien tihuman nin morsu ? 29 En Iesu ivagas derim, Tihuman nin nivagasien morsu, Curog, Israel ; Nirovun Atua nin nigcint Nirovun ise : 30 En nunk curirog nirovun Atua nin

nunk in navanevis man nin nunk, en nimwinin mah nin nunk, en in nirimrimhurien mah nin nunk : tiigk nivagasien tihuman. 31 En niiruien ino iigk, Curilog nimorot tito hur nunk ino cùrirog nunk. Halan nivagasien tisimbauve baran tiigk. 32 En niskreib iwer bigcen ei, Ile, Nirovun kuvihink nro timbaragcen ; wut Atua isetei ; en tisleive nin et ei : 33 En wut nihumor irirog ei in navanevis mah, en in nirimrimhurien mah, en in nimwinin mah, en in niparasien mah, en wut irirog nimorot tito hur ei ino irirog eitei sombon, ile butai banr nituampien morsu treme vanbon en nituampien. 34 En wut Iesu iroghur wut ivagas aerim menemen, iwer bigcen ei, Ustove silei dilyn nimbasar nin Atua. En ta tag remeta wut renderim in ei.

35 En Iesu ivagas derim en iwer, wut ivihink lium tempel, Itemwinin rewer neskreib wut Nikristo, Devid nivutun ? Devid eitei sombon iwer in Nimwinin Tilau, Nirovun iwer bigcen Nigcurovu, Cusump hur nivara baragcen hur nigcotu nimorvaal nin nunk silevun nimbolum. 37 Devid eitei sombon iwer bigcen ei Nigcurovu ; en itemwinin ei nivutun ? En ar trepmorohoi rerog ei len nigalagalien. 38 En iwer bigcen ar len nivihinkien nin ei, Agcigcelau niskreib trerirog wut relog len nivohon ambat timbarap en rerirog niemenien ar lesaran ar, en naai sumpsump trele lium Synacoc, en trehuman nin nisaran sugambien ; 40 Ar traan neium nin ar trevivinau, en cen nilesien ravtu tamat tigcambarap revihier nituwusien timbanr.

41 En Iesu isump bitivsun nisaran nimone, en les itemwin nimorot roomp mone len nisaran mone ; en ar tralamp trevien neta trelamp roomp neta tralamp. 42 En vivinau ise timbahal iwelig, en iomp mone tivare iru len, ruar igcur ivisaran fatting ise. 43 En ivivie diseipel tiei ar en iwer bigcen ar, baragcen nigcewer bigcen nigcim, wut nivivinau timbahal tiigk iomp nro timbanr in ar traomp len nesa-

ran mone : 44 cen wut ar morsu roomp dilin nilampien nin ar len ; or ei dilin nimbahalien iomp nro neta morsu tivien, morsu nimeaurien nin ei.

NIMBATIN 13.

1 En wut ilogale dilin neium tempel diseipel tiei ise iwer bigcen ei, Nigcurovun, Cules nevit ar retemwinin en neium ar retemwinin ! 2 En Iesu ivagas derim en iwer bigcen ei, Cules neium iigk rombumbau ? nevit cesvitove baran nevit or resviompve ei.

3 En wut isump baran meruu ti Olives tivsun neium tempel, Piter en James en Jon en Andru renderim lela in ei, 4 Cuwer bigcen camem, geie tiigk ar revewelig ? en nihava nivinevinien cevito wut neta morsu tiigk ar treiar ? 5 En Iesu ivagas derim ar en itumbatin wut iwer, Agcigcelau wut ni-humorve cendi evun nigcim. 6 Ralamp revewelig cen nehe, revewer, wut kinagk et iigk ; en reviendi evun ar ralamp. 7 En wut avirog hur nivaal ar en nirogien hur nivaal ar, avismetave : iigk ar revewelig tei ; or niarien isenceiev. 8 Cen wut nimorot tresilei revetaris hur nimorot tresilei, en nimbasar nivirovunien hur tivsun nimbasar nivirovunien : nam-wi ar reviomwi ran nimbasar tuan ar ; namar ar en nipempien revewelig : tiigk ar nimbatin nin sigera-rien ar.

9 Or agcigcelau sombon cen nigcim : revihu nigcim len nitutien ar ; en lesynacoc ar revembwil nig-cim : en nigcim avetaris ran noon tirehuman en nirovun ar andewer kinagk, cen wutwutien hur ar. 10 En revindighur tei nivagasien tile cen nimorot morsu. 11 En rut revtitei lelog nigcim en revendam nigcim bei, asviountve hur behuman tavewer, en asvirimrimhurve behuman : or nihava morsu cevihu bigcen nigcim ran nilius nin avewer tinin : cen wut

nigcim aswiwerwe or Nimwinin Tilau iwer. 12 En tuan cevindam tesen cen nimesien, en nitemen nivutun ; en nimbunog revitaris tivsun nin temen en hinen, en revimbwil ruar. 13 En nimorsu revogot nigcim andewer nehe : or ei ticevyu hur nimben tartar covmeaur.

14 Or wut aviles nihetien nin nihulhulien, Daniel niprofit iwer hur ei, cevtaris ran nimbasar ei cesvitarisve tei (ile wut ei tiles ei coroghur), ran nilius tag cevle wut ar trevitch len Judia revrop baran neruu ar : 15 en cevle wut ei tivto poneromp cesvisivve belium, en cesvieive cen wut cewiher nisten dilin neium tiei : 6 en cevle wut ei tivito lenhau cesvitalve bei cen wut cewiher nivohon ambat ar. 17 Or niulrarien cen nimomo ar trevisien, en cen ar trevaman ran nilius ar ! 18 En avtu tamat cen wut niropsisien nin nigcim cesviweligve ran nilius tremala. 19 Cen wut ran nilius tag ar nituwusien cewiwelig, tinonin isweligve hur nimbatin nin niraien ti Atua irar biorigk, en cesviweligve. 20 En Nirovun sigcesrarve nilius tag ar reslampove, nihumor hurvor cevimes : or andewer nimorot treserendag irar nilius reslampove. 21 En ran nilius tag nihumor sigcevever bigcen nigcim, Ales, Nikristo ekigk ; i ales, wutin ; asvirogdauve : 22 Cen wut Kristu ar tresbaragcenve, en profit ar tresbaragcenve reviwelig, en revigcur nivinevinien ar en ninrimpisien ar, cen niendi evunien, sugcoleshur, nimorot ar tiserendag. 23 Or agcigcelau : agceles, newer neta morsu bihuman.

24 Or ran nilius tag ar tanin nituwusien tag, cevrar ninal cevmetamet en nevil cesviharve, 25 en nimusi ar nin nemeligk reipsipsep, en revkurkur niparasien ar trekoh lemeligk. 26 En ran nilius tag revles Nivutun nimorot cewiwelig len nemeligk ar pilur niparasien timbau en nesegkhurien. 27 En ran nilius tag cevsursur niagelo tiei ar, en cewiher tutu tresere ndag tiei dilin nelag ives, en dilin nimbasar

silei dagadag nin neten bei nimbasar sieli dagadag nin nemeligk.

28 Or cen fic aroghur nivurvurien tiei : wut nivrogon remelim ceiev, en itu nereï nin, araghur wut nilius ar trepîlpîl masasag ; 29 En inonin, wut ales neta tiigk ar rewelig aroghur wut ei masasag hur nimbusis ar. 30 Baragcen nigcewer bigcen nigcim, Nimorot tremeaur origk resvilogve nuye irar neta morsu tiigk ar. 31 Nimeligk en neten cevlogcahal : or nagecuvagasien cevislogcahalve. 32 Or hur nilius tag en aur tag nihumorve iroghur, en niagelo trokoh lemeligk resroghurve, en Nivutun isroghurve, or Temen iroghur. 33 Agcigcelau, aleseles en atu tamat : cen wut asroghurve wut nilius ceviwelig. 34 Cen wut nimorot nivutun inotei wut morot ilog bisilei, ilog cahal dilin neium tiei, en ihu niparasien bigcen mornin niraien tiei, en bigcen nimorsu niraien nin ar, en iwer bigcen nimorot tileseles nibusis, Cugcigcelau. 35 En agcigcelau : cen wut asroghurve wut nirovun nin neium ceviwelig, livrap, i livaat bimbaragcen, i wut netau ititarlet, i livahat rigreg ; 36 cen wut sigcawelig garagar coles nunk cusmeturve. 37 En neta newer bigcen nigcim newer bigcen morsu, Agcigcelau.

NIMBATIN 14.

1 Tanin ran nilius iru nisugambien nin nimbanrien, en nin nitivtav liven isise : en prist ar trembumbau en skreib ar regcigcelau itemwin wut revîher ei len nivaambogien, en reevinbwil ei. 2 Cen wut rewer lenve nilius nin sugambien, cen wuf nimorot resvîvagas bwindalve.

3 En wut ito Bethany lium nin Saimon neleper, en wut isump hur naanien momo tuan iwelig, ivien bokis nin alabaster cen nivulheien nin speiknard nîmarhau nin nimbau ; en ivur nibokis en isusu ran nim-

batin. 4 En tuan rakoh en resinkon lela sombon ar, en rewer, cen heven igciau nivulheien tiigk? 5 Miroghur migcendam nivulheien tiigk cen pene banr ilagabul ilagabul itil, en cele wut mivihu ar bigcen ar trepbahal. En remurmur ran ei. 6 En Iesu iwer, Ile ei coto lela; cen heven ahu nepempien in ei? igcur neraien tile hur kinagk. 7 Cen wut nimorot trepbahal rokoh hur nigcim tartar, en wut arirog aroghur arar cele hur ar, or kinagk nestove hur nigcim tartar. 8 Igcur neta iroghur: isusu nivulheien ran nimbe cen nitevunien. 9 En baragcen nigcewer bigcen nigcim, En hurvor revevagas nivagasien tile ran neten morsu, en neta tigcur nro rewer hur tinin cen rimrimhurien nin ei.

10 En Judas Iskariot, ise nin ilagabul ise nin timan iru, ivei cen prist trembumbau, cen wut inonin indam ei in ar. 11 En wut rerog ei, ragalagal, en rewer wut revihi mone bigcen ei. En igcigcelau itemwin ran nilius tile indam ei.

12 En ran nilius tihuman nin nitivtav liven isise, wut rembwil neta nin nimbanrien, nidiseipel tiei ar rewer bigcen ei, Urirog wut migcevei en migcerar bander cen wut cuan nimbanrien? 13 En isursur diseipel tiei iru, en iwer bigcen ruar, Auvilog bei siti, en nihumor cendiv ne in ruum, cekamp buket nin naue: auvilog ta ei. 14 En wut cevei belium, auwiwer bigcen nimorot tile nin neium, Nirovun iwer, Laon nin neium nin mar meaur ito ambi wut nigcaan nimbanrien in hur diseipel tigkinagk ar? 15 En ei cevihink in ruum timbau teirai nin neium, neta rokoh mah laon nin neium, en ibander, len ei ruum ausere bander cen camem. 16 En nidiseipel tiei ruar urlog bei, en urwelig beisiti, en urles inotei wut iwer bigcen ruar: en ruar urar bander nimbanrien.

17 En livrap ſwelig pilur nilagabul ise nin timan iru. 18 En wut resump hur naanien en raaan, Iesu iwer, Baragcen nigcewer bigcen nigcim, Ise nin nig-

cim, ei tiaan hur kinagk, cevindam kinagk. 19 En retumbatin wut rerog meriven, en wut rewer sisi bigcen ei, Ia et kinagk ? en tuan Ia et kinagk ? 20 En ivagas derim en iwer bigcen ar, Ise nin nilagabul ise nin timan iru, ise tindindei hur kinagk len niserau. 21 Baragcen Nivutun nimorot ilog inonin retus hur ei : or niulrarien ceviwelig cen nimorot tag tindam Nivutun Nimorot ! isleve cen ei tag iep.

22 En wut raaan Iesu nitivtav, en ivagas ile, en ivurpet, en ihu bigcen ar, en iwer Agceher, agcaan : Tiigk nivohon nin kinagk. 23 En iher nikup, en wut iwer nro nerog ile, ihu bigcen ar : en ar morsu remin dilyn ei. 24 En iwer bigcen ar, Tiigk nenrei nin kinagk nin naval tivivau, resusu ei cen ar tralamp. 25 Baragcen nigcewer bigcen nigcim, Nigcesviminve lis navan nin vein nuye ran nilius tag wut nigcepmim ei tivivau ran nimbasar ti-Atua.

26 En wut reial nro nimbui ise relog bei ran neruu Olives.

27 En Iesu iwer bigcen ar, Nigcim morsu aparsistau, andewer kinagk livaat : cen wut nihumor itus, Nevimbwil nimorot tigcigcelau hur sip ar, en nisip revirop morsu. 28 Or wut nigcevtaris dal ta nin nigcevlog human nigcim bei Calili. 29 Or Piter iwer bigcen ei, en ei sugcogcur nimorot morsu rep-sinkon isvigcurve kinagk nigcepsinkon. 30 En Iesu iwer bigcen ei, Baragcen nigcewer bigcen nunk, wut or, len livaat tiigk, nuye netau ititarlet ivairu, uviwer ivaitil, Kinagk morve tiei. 31 Or iwer butai dagadag, Sinigcemis hur nunk neviswerve. Kinagk morve tiei. En ar morsu rewer ivelig si.

32 En rewelig hur nimbasar, nehen Cethsemene : en iwer bigcen diseipel tiei ar, Agcusump wutin, en nigcotu tamat. 33 En iher hur ei Piter en James en Jon, en itumbatin wut ikumbwe en irog indip ; 34 En iwer bigcen ar, Nimwine irog meriven butai cen nimisien : agcukoh eiigk, en agcigcelau. 35 En ilogale ba ivare, en isep ran neten, en itu tamat

wut sigcoroghur, cele wut niaur colog dilin ei. 36 En iwer, Aboa, Tatai, curoghur wut curar neta mor-
su ; cuher kas kup tiigk dilin kinagk : or neta neri-
rog isese, or neta nunk urirog. 37 En iwelig, en
iles ar wur remetur, en iwer bigcen Piter, Saimon
umetur ? usroghurve wut ugcigcelau hur aur ise ?
38 Agcigcelau en agcetu tamat, cen wut asviveive
len nipihalien : baragcen nimwinin igcurhur, or ni-
vohon imelim. 39 En ilogcahal dal, en itu tamat,
en iwer nivagasien iwelig si. 40 En wut iwelig dal,
iles ar remetur dal (cen wut nemeten ar reiep) : en
resroghurve wut ravagas derim ei. 41 En iwelig
dal ivaitil en iwer bigcen ar, Agcemetur origk, en
agcuspempendau celamp ; niaur iwelig ; ales, Judas
indam kinagk Nivutun Nimorot in nivaran nin mor-
trasamp. 42 Agcetaris, cele wut nigcint mah dev-
log : ales, ei tindam kinagk ito masasag.

43 En ishbimbarave wut ivagas, Judas ise nin ni-
lagabul ise nin timan iru iwelig, en pilur ei niinau
timbau trevien neimes en naai biambu, dilin niprist
trembumbau, en niskreib ar en nimaralamp ar. 44
En ei tindam ei ihu nro bigcen ar nivinevien, iwer,
Nimorot nigcovsisum ei nimorot tag ; agceher ei, en
agcetitei lelog ei in nigcigcelauien. 45 En wut iwe-
lig, ishbimbarave ilog tustus bigcen ei, en iwer,
Nagcurovun ; en isusum ei. 46 En retu nivaran ar
ran ei, en reher ei. 47 En ise nin ar tretaris hur
ivuskas neimes, en itelimp mor nin prist timbau, en
itarpet nindilgin. 48 En Iesu ivagas derim en iwer
bigcen ar, awelig mevus inonin tivsun mor tiviana
cen wut avien neimes en naai biambu, wut agceher
kinagk. 49 Aeto nur nigcim lium ran niautregien
tilamp, en asherve kinagk, or cen wut inonin ahon-
tei nitusien ar. 50 En ar morsu reiep ei, en rerop
cahal.

51 En ise nin ar trelog ta ei ivien nivohon ambat
nin linen, indelincor ei ran nimben timalamal ; en

nimbunog revurvur ei : 52 en iep nivohon ambat nin linen, en irop dilin ar imalamal.

53 En retitei lelog Iesu bei niprist timbau : en niprist trembumbau ar morsu en nimaralamp ar en niskreib ar rambonombon cor ei. 54 En Piter ilog nro ta ei silei beium nin prist timbumbau ; en isump hur morteei ar nin prist timbumbau ; en ititili naamp 55 En niprist trembumbau en morsu nin nisynedrion regcigcelau hur nivagasien nin baran Iesu cen wut reepinbwil ei ; en reslesve ei. 56 Cen wut mortralamp revaambog baran ei, en nivagasien ar nin ar rembel. 57 En tuan ar retaris, en revaambog baran ei, rewer 58 mirog nro ei iwer, Nigcendilis tempel tiigk, reilil ei in nivanan ar, en hur nilius cotil nigcelil halan in nivananve. 59 Or nivagasien ar nin ar rembel. 60 En niprist timbau itaris livu, en inderim in Iesu, iwer, isvagas derimve nisten, Niha-va et iigk rewer baran nunk ? 61 Or iswerve, en isvagas derimve nisten. Niprist timbau inderim dal in ei, en iwer bigcen ei, Nunk et nikristu, Nivutun tiei hur ei rewer ile ? 62 En Iesu iwer, Kinagk : en aviles tei Nivutun nimorot cevsump ran nivanan baragcen in parasien, en iviwelig len nemeligk ar lenamap. 63 En niprist timbau inris nevohon ambat tiei, en iwer, cen heven migcelau mortuan ar treviwer baran ei ? Arog nivagasien tisamp : niha-va arimrimhur ? En ar mah morsu rewer, cele wut cemes. 65 En tuan ar retumbatin wut revurei ei, en wut raambus noon, en wut revosovos ei, en wut rewer oigcen ei, Cuprofesai : en nimorot ar nin niraen revosovos ei in nimusin varan ar.

66 En wut Piter ito silevun lium timbau, niven bunog ise nin prist timbau iwelig ; 67 en wut iles Piter ititili naamp, imindig ei, en iwer, en nunk uto hur nimucut nin Nasaret, Iesu. 68 Or ikambun cor ei, iwer, nesroghurve, en nembwitlilei neta tuwer : en ilog mevus bei bwesisil ; en netau ititarlet. 69 En niven bunog iles dal ei, en itumbatin wut iwer

bigcen ar tretaris hur, Tiigk nin ar. 70 Or ikambun cor dal ei. En ta ba ivare, ar tretaris hur, rewer dal bigcen Piter, Baragcen, nunk nin ar; cen wut nuk mornin wut Calili, en nivagasien nin nunk ivivaii dag hur ei. 71 En itumbatin wut iwer he-thet en ivahavur, nesroghurve nimorot tiigk hur ei awer. 72 En ishbimbarave netau ititarlet ivairu En Piter inrimrimhur nivagasien Iesu iwer bigcen ei, Nuye netau ititarlet ivairu, uwer ivaitil, Kinagk nemorve tiei. En wut inrimrim lela hur ei, iteg.

NIMBATIN 15.

1 En ishbimbarave livahat niprist trembumbau hur nimaralamp ar en niskreib ar en nimorsu nin nisynedrion, rarar tutuien, en raambus Iesu, en reveaus ei, en rehu ei bigcen Paillet. 2 En Paillet inderim in ei, Nunk et nirovun nin nimorot Judia? En ivigas derim en iwer bigcen ei, Nunk uwer. 3 En niprist trembumbau rewer neta trelamp baran ei: or isvagas derimve. 4 En Paillet inderim dal in ei, iwer, cusbagas derimve nisten? cules rewer neta trelamp baran nunk. 5 Or Iesu isvagas derim ceive nisten; cen wut inonin Paillet ikumbwe.

6 Eten ran regnin sugambien itusar tartar mortibus bigcen ar, humor rerirog. 7 En mor tise, nehen Barabas, ito, raambus ei pilur ar trarar ni-vaal pilur ei, rembwil humor len navaal. 8 En niinau retigteg magamag, retumbatin wut renderim in ei wut carar cononin wut irar tartar bigcen ar. 9 En Paillet ivagas derim ar, iwer, Arirog wut nigcotisur bigcen nigcim Nirovun nin nimorot Judia? 10 Cen wut iroghur wut niprist ar trembumbau rehu nro ei cen nisinkonien. 11 Or niprist trembumbau resursigsig niinau, cen wut rerirog ei wut cotusar Barabas bigcen ar. 12 En Paillet ivagas derim en iwer dal bigcen ar, en nihava nigcevrar bigcen ei,

bigcen ei avivie Nirovun nin nimorot Judia ? 13 En retigteg dal, curar ar reevitu ei ran naai. 14 En Paillet iwer bigcen ar, Cen heven, nihava tisamp irar nro ? En retigteg magamag butai, Curar ar reevitu ei ran naai. 15 En Paillet irirog wut ceimen niinau itusar Barabas bigcen ar, en ihu Iesu, wut ititelimp nro ei, cen wut reetu ei ran naai. 16 En nimorvaal retitei lelog cahal belium, nehen Pretorium ; en revivie bonombon nimorsu nin ar. 17 En retu ran ei nivohon ambat timalamal, en revi noont tikan nin nesu, en retu ei ran ei ; 18 en retumbatin wut retimet ei, Maral, Nirovun nin Nimorot Judia ! 19 En retitelimp ei ran nimbatin in nivwinrogon naai, en revevurei ei, en resimbau en retu tamat hur ei. 20 En wut retutau nro ei, reher kukas dilin ei nivohon ambat timalamal, en resere nivohon ambat tiei ran ei. En retitei lelog ei cen wut revitu ei ran naai.

21 En rehuwei sar mor tise, nehen Saimon nin Sairini, ilog banr, iwelig dilin nimbusaivon, temen Alekissander en Rufus wut ceveaus naai nin ei. 22 En reher bwelig ei bei ran nimbasar, Colcotha, cen nivagasien nin nigcint dewer nimbasar nin mbatin. 23 En rehu bigcen ei nahun ti crep, revurbon ei in mer wut cemin : or isminve. 24 En retu nro ei ran naai, repindogon nivohon ambat tiei, rembura nina naan ran ar cen wut ar morsu reher nisten. 25 En niaur ivaitil ito, en retu ei ran naai. 26 En retu eirai ran naai nitusien, Rewer hur ei, Ei nirovun nin nimorot Judia. 27 En retu morvana iru ran naai iru hur ei ; ise ran nivaran baragcen ; halan ran nivarana dilmeier. 28 En roohon nitusien tiwer, en rembulunk ei pilur mortresamp. 29 En ar trelog banr rewer hethet, repilepul nimbatin ar, en rewer, Aha, Nunk cundilis tempel, en uilil ei ran nilius itil, 30 curur dal nunk, en cumakas ran naai. 31 En inonin niprist ar trembumbau retutau ei rewer bigcen sombon ar pilur niskreib ar, Irur dal halan ar : isroghurve wut corur sombon ei. 32 Ile wut nikris-

tu nirovun nin Israel camakas dilin naai cen wut ino-
nin migceles en migcorogdau. En ruar turokoh ran
naai iru hur ei urwer hethet cen ei.

33 En wut niaur ivaisause iwelig niwut ponopo-
nien ito ran neten morsu cen niaur ivasauvei. 34
En wut niaur ivaisauvei iwelig, Iesu iteg magamag,
iwer, Eloi, Eloi, lama sabachthani ? Cen nivaga-
sien nin nigcint dewer, Atua tigkinagk, Atua tigki-
nagk, cen heven et ulu kinagk ? 35 En tuan nin
ar tretaris hur ei, wut rerog, rewer, Ales ivivie
Ilaias. 36 En mor tise irop en ivitu tambulum ivun
vinegar en itu ei ran nauwi, en ihu bigcen ei cen
wut cemin, iwer, Ile coto lela ; ile miles mwin Ilaias
cawelig wut celipkas ei. 37 En Iesu iulaul nelen
timbau, en nimwinin ilog. 38 En nivohon ambat
nin tempel imanras ivairu dilin wut raai bwelig le-
ten. 39 En wut nimburei nin nimorot ilagabul ilag-
abul titaris tivsun ei iles wut itegtei inonin, en wut
nimwinin ilog, iwer, Baragcen nimorot tiigk Nivutun
Atua. En momo rokok silei en remimindig : luur ar
Meri nin Macdala, en Meri, James ivare en Josés
ruar hinen, en Salome rokok ; 41 ar, wut ito Calili,
ralog ta ei, en rohu bigcen ei ; en momo halan ra-
lamp trewelig hur ei bei Jerusalem.

42 En wut livrap iwelig, andewer nilius ito ran ei
trarar bander, ino nilius tivihuman nisabat, Josef nin
Arimathea, mornin nitituien, en rewer, Ile, en iiviep
cen nivrovunien nin Atua, iwelig, en ilog rarar big-
cen Paillet, en inderim nimben Iesu. 44 En Paillet
ikumbwe mwin imes nro : en ivivie nimburei nin ni-
morot ilagabul ilagabul, en inderim in ei, Imes nro
imbarap. 45 En wut irog dilin nimburei nin nimo-
rot ilagabul ilagabul, ihu nimben bigcen Josef. 46
En ivul nivohon linen tile en iher kas ei bevun, iam-
bus ei in nivohon linen, en itu ei lembwiliel, reterei
nro nimbwiliel len nevit ; en ilimpis nevit bei hur
nimbogon nimbwiliel. 47 En Meri nin Macdala en

Meri, Joses hinen ruar urles wut retu ei len nimbwiliel.

NIMBATIN 16.

1 En wut nisabat ilog nro, Meri nin Macdala, en Meri, James en Salome hinen, revul nro nitivhun naai ar, cen wut rewelig, en resere ran ei. 2 En livaat nin wut livahat ran nilius tihuman nin wik urwelig nimbwiliel wut ninal itevis. 3 En urvagas bigcen sombon ruar, Ia et ivilimpis cahal nevit dilin nimbogon nin nimbwiliel? 4 En wut urcigcelau urles wut nevit ilimpilimp cahal nro : cen wut imbau butai. 5 En urvei hur nimbwiliel, en urles nimbunog isump ran tivsun baragcen ivei len nivohon ambat timbarap timevus ; en urkumbwe. 6 En iwer bigcen ruar, Askumbweve: augcigcelau Iesu nin Nasaret, retu ei ran naai : itaris ; istove wutin : aules nisaran wut retu ei ! 7 Or auloghur nahal nin ruum, auwer bigcen diseipel tiei ar en Piter, Ilog human nigcim bei Calili : wutin aviles ei, inotei wut iwer bigcen nigcim. 8 En urlog garagar, en urorop dilin nimbwiliel ; cen wut nipempien en nikumbweien urvien ruar : en urswerve nisten bigcen humor ; cen wut urmata.

9 En wut Iesu itaris livahat rigireg ran nilius tihuman nin wik, ivihink sombon ei in Meri nin Macdala, dilin ei iomp nro temij tresamp tisauro. 10 En ilog en iwer bigcen ar trokoh nro hur ei, wut rerog meriven, en retigteg. 11 En ar, wut rerog nro wut imeaur dal en wut iles nro ei, resrogdauve. 12 Tanin tinin ivihink sombon ei isnove in iru nin ar, wut urlogalog en urlog bei lembusaion. 13 En urwelig en urwer hur ei bigcen nihalan ar : en resrogdauve ruar.

14 En tanin tinin ivihink sombon ei in ilagabul ise nin timan ise wut resump cen naanien ; en ivagas ran ar cen wut resrogdauve, en cen wut navanevis

nin ar regcisces, andewer resrogdauve ar treles nro ei tanin wut itaris dal. 15 En iwer bigcen ar, Agculog bei hurvor morsu en agcewer nivagasien tile bigcen nimorot morsu ar. 16 Revibaptais nimorot tigcorogdau en cemeaur; or ei tigcosrogdauve rewer, ile cemes. 17 En nivinevinien tiigk ar relog ta ar trarogdau: cen nehe revoomp temij tresamp; revevagas in nimalambugon ar trevivau; 18 revipit namat ar, en sugcoremin nisten cen nimisien isvigcur wisten ve in ar; revitu nivaran ar ran mortremehe, en revimeaur.

19 En tanin Nirovun iwer nro bigcen ar, iher ei bei lenamap, en isump ran nivaran baragcen nin Atua. 20 En relog mevus en rendighur hurvor, Nirovun irar in ar, en igcur nivagasien iparas hur nivinevinien ar tralog ta.

JON

ITUS

NAVAL TIIGK TIHUMAN.

1 Ei ito hur nimbatin, ei timirog nro, ei timiles nro in nimetem camem, ei timimimindig en nivaran camem rekitkit cen nivagasien nin nimeaurien; 2 (en nimeaur iwelig mevus, en miles ei, en miwer neta timiles, en mindighur bigcen nigcim nimeaurien, nimeaurien tartar, tito hur temen, en tiwelig mevus bigcen camem); 3 ei timiles nro, en timirog nro mindighur bigcen nigcim, cen wut nigcim anonin savien nimwimauien pilur camem: en nimwimauien nin camem ito pilur temen en nivutun, Iesu Kristu: 4 En mitus netaigk ar bigcen nigcim cen wut inonin nigalagalien nin nigcim covun.

5 En mirog nro nivagasien tiigk dilin ei en mindighur ei bigcen nigcim, wut Atua ino rigien, en len ei nimisimbug isise. 6 Sindewer devvien nimwimauien pilur ei, en delog len nimisimbug, devaambog, en desrarve neta baragcen: 7 en sindelog len nirigien, inotei wut ito len nirigien, devvien nimwimauien pilur nigcint sombon, en nenrei nin Nivutun, Iesu, ilumus sampien morsu dilin nigcint. 8 Sidever desviienv sampien, devaambog bigcen nigcint, en nibaragcenien istove len nigcint. 9 Sidewer mevus nisampien nin nigcint, ei ibaragcen en ei ino nilignin, cen wut cosurkas nisampien nin nigcint, en cen wut colume niligninve dilin nigcint. 10 Sin-

dewer desrarve nisten tisamp, derar ei ipmarambog, en nivagasien tiei istove len nigcint.

NIMBATIN 2.

1 Nagcubunog trembuntabant, netus netaiigk ar bigcen nigcim, cen wut inonin asrarve nisten tisamp. En nihumor sigcarar neta tisamp devien mor nin nisurien cen temen, Iesu Kristu, nelignin : 2 en ei ipmbambaien cen nisampien ar nin nigcint, en cen nisampien ar nin nigcint sombonve, or inotei cen nimorot morsu. 3 En in netaiigk deroghur wut deroghur ei, sindarar ino tiwer. 4 Ei tiwer neroghur ei, en israrve ino tiwer, ipmarambog, en nimbaragcenien istove len ei : 5 or nihumor sigcarar ino tiwer, len ei, baragcen, irar nirogien nin Atua ivleh ma. En netaiigk deroghur wut dokoh len ei : 6 ei tiwer, Neto len ei, ilogalog tei inotei Ei ilogalog.

7 Hala ar, nigcetus vagasiën tisvivauve bigcen nigcim, or vagasiën tigcorot, avien ei hur nimbatin: nivagasiën tigcorot ino nivagasiën tarog nro. 8 Dal nigcetus vagasiën tivivau bigcen nigcim, tiei ibaragcen len ei en len nigcim ; wut nimisimbug caghal, en nirigien baragcen ihar origk eten. 9 Ei tiwer ito len nerigien, en igot tesen ito len nimisimbug origk eten. 10 Ei tirog tesen ito len nirigien, en len ei skandal isese. 11 Or ei tigot tesen ito len nimisimbug, en ilogalog len nimisimbug, en isroghurve wut colog bei in, andewer nimisimbug igcur nemeten urmbar.

12 Nigcetus bigcen nigcim, nimbunog trembuntabunt, andewer isurkas nisampien ar nin nigcim andewer nehen. 13 Nigcetus bigcen nigcim, temen ar, andewer aroghur ei tito hur nimbatin. 14 Nigcetus bigcen nigcim, nimbunog, andewer aparas, en niva-

gasien nin Atua ito len nigcim, en aparas banr tise tisamp. 15 Asrirogve wut leten en neta ar nin wut leten. Nihumor sut sigcoriog wut leten, nirogien nin temen istove len ei. 16 Andewer neta morsu nin wut leten, nirogien niñ nimben, en nirogien nin nemeten, en nimbaralampien nin nimeaurien isweligve dilin temen, or iwelig dilin wut leten. 17 En niwut leten cologcahal en nirogien nin ei : or ei tigcarar cono Atua irog coto tartar bituei.

18 Nimbunog trembuntabant, ei cono niaur nin tita eten, en inotei tarog nro nimor vaal nin Kristo cawelig, En origk eten nimor vaal trelamp nin Kristu retaris ; en in netaigk deroghur niaur nin tita iigk. 19 Relog dilin nigcint, or resnove nigcint ; cen wut sirono nigcint, rokokh tei hur nigcint tartar : or relog dilin nigcint cen wut inonin iwelig mevus wut nesnove nigcint. 20 En avien vilheien diln tise tilau, en aroghur neta morsu. 21 Netis nro bigcen nigcim, ise, andewer asroghurve nibaragcenien, or andewer aroghur ei, en andewer vaambogien isnove nimbaragcenien. 22 Ia nimarambog or ei tikampencor Iesu ino nikristu ? Tiigk cono nimor vaal nin Kristu, ei tikampencor temen en nivutun. 23 Nimorot sut tikampencor nivutun isviienve temen : ei tiwer mevus nivutun ivien tei temen. 24 En cen nigcim ile wut neta tarog hur nimbatin coto len nigcim. Neta nin tarog hur nimbatin sugcoto len nigcim, nigcim avikoh len nivutun, en len temen. 25 En tiigk cono nivagasien tiwer mevus bigcen nigcim nimeaurien tartar. 26 Netis nro netaigk ar bigcen nigcim hur ar treendi evun nigcim. 27 En cen nigcim, nivilheien tinin taher dilin ei ito len nigcim, en asrirogve wut nihumor cevihink in nigcim ; or inotei nivilheien nin ei ivihink in nigcim hur neta morsu, en ei ibaragcen en ei isvaam bogve, en inotei ivihink in nigcim, akoh len ei. 28 En eten nimbunog trembuntabant, akoh len ei ; cen wut inonin sigcawelig mevus devivien nipbureien, en desmc-

mianve human ei wut ceviwelig. 29 Saroghur wut ei nilignin, aroghur wut nimorot morsu trarar niligninien rembunog tiei.

NIMBATIN 3.

1 Ales nirogien titemwin Temen ihu nro bigcen nigcint, cen wut inonin cevivie nigcint nimbunog nin Atua : en nigcint dano tei. Andewer tiigk neten isroghurve nigcint, andewer isroghurve ei. 2 Hala, eten nigcint dano nimbunog nin Atua, en iswelig mevus ceive wut nigcint deevno nin. Daroghur wut sigceviwelig mevus, devnotei ei ; andewer devles ei inotei wut inono. 3 En nimwin hurvor tigceviien nirogien tiigk ran ei columus eitei sombon conotei wut ivogkavogk. 4 Nimwin hurvor tigcarar nisampien carar cesviwer corienve : en sampien cono cesviwer corienve. 5 En aroghur wut iwelig mevus cen wut inonin cesurkas nisampien ar ; en len ei sampien isese. 6 Nimwin hurvor tito len ei cesrarve neta tisamp : nimwin hurvor tirar neta tisamp islesve ei, en iroghurve ei. 7 Nimbunog trembuntabant, cesleve humor ceendi evun nigcim : ei tirar niligninien cono nilignin, inotei cono nilignin : 8 ei tirar nisampien ino dilin nidivil ; andewer hur nimbatin nidivil irar sampien. Cen netaiigk Atua nivutun iwe lig mevus cen wut inonin cendilis nerarien ar nin nidivil. 9 Nimwin hurvor tino nivutun nin Atua israrve sampien andewer navan nin ei ito len ei : en imbwit carar sampien, andewer ei ino nivutun nin Atua. 10 In netaiigk Atua nivutun ar rewelig mevus, en nidivil nivutun ar : Nimwin hurvor sigcesrarve niligninien cesnove dilin Atua, en nimwin hurvor sigcesrirogve tesen cesnove dilin Atua. 11 Andewer tiigk cono nivagasien tarog hur nimbatin, cen wut inonin derirog nigcint : 12 desnove Kain tino dilin nidivil, en itelimp tesen. En cen heven et ite-

ilmp ei ? Andewer nirarien tiei ar rembel, en tite-sen rele.

13 Aspouave, nivihalaniën ar, niwut leten sigcogot nigcim. 14 Deroghur wut demeslamp dilin nimisien bwelig len nimeaurien, andewer, derirog nivihalaniën ar. Ei tigcesririogve coto len nimisien. 15 Nimwin hurvor sigcogot tesen cono nimburei : en aroghur wut nimburei cesviiënve nimeaurien tartar coto len ei. 16 In netaiigk deroghur nirirogien, andewer itu nimeaurien tiei cor nigcint : en detu ma nimeaurien ti nigcint cor nivihalaniën ar. 17 Or nimwin hurvor sigceviën neta trele nin wut leten, en sigceles tesen iviën nirirogien, en sigcetuincor nerog merivenien tiei hur ei, itemwin nirirogien ti Atua coto len ei ? 18 Nimbunog trembuntabant, ile derirog, ise, in nivagasien, en in nimalambugon ; or in nirarien en in baragcenien. 19 In neta iigk devroghur wut deno dilin nimbaragcenien, en devigcur navanevis nin nigcint wut reviroghur human ei, 20 len nisten sut navanevis nin nigcint randama nigcint ; andewer Atua ibanr isrove navanevis nin nigcint en iroghur neta morsu. 21 Hala, navanevis nin nigcint sigcesdamve nigcint, deviiën nipbaivusien cen Atua. 22 en nisten sut sigcenderim, deviher diim ei, andewer detundag nivagasien tiei, en decar netaiigk ar trele cen nemeten. 23 En tiigk ivino nivagasien tiei, wut devrogdau ma cen nehen nivutun, Iesu Kristo, en devrirog ma nigcint conotei wut iwer bigcen nigcim. 24 En ei tigcotundag nivagasien tiei coto len ei, en ei len ei. En in netaiigk deroghur wut ito len nigcint, in nimwinin tihu bigcen nigcint.

NIMBATIN 4.

1 Hala ar, asrogdauve nimwinin morsu, or andeenrimrim hur nimwinin ar, mwin reno dilin Atua :

andewer profit trevaambog trelamp relog mevus ran neten. 2 In netaigk aroghur nimwinin Atua : nimwinin morsu tiwer mevus wut Iesu Kristo iwelig len nimben ino dilin Atua : 3 en nimwinin morsu tiswer mevusve Iesu isrove dilin Atua : en iigk cono nimwinin tieien antikristo, hur ei arog nro wut cevowelig ; en eten coto origk leten. 4 Nigcim ano dilin Atua, nimbunog trembuntabant, en aparas banr ar : andewer ei tito len nigcim iparas banr ei tito len neten. 5 Ar reno dilin neten ; en andewer tiigk rewer renonin dilin neten, en neten irog ar. 6 Deno dilin Atua : ei tiroghur Atua irog nigcint ; ei tisrove dilin Atua isrogeve nigcint. In netaigk deroghur nimwinin timbaragcenien, en nimwinin tisampien.

7 Nigcim hala, ile derirog nigcint : andewer nirogien ino dilin Atua ; en Atua ino temen nin nimo-rot morsu trerirog, en reroghur Atua. 8 Ei tisirirogve isroghurve Atua, andewer Atua ino rirogien. 9 In neta iigk nirogien ti Atua iwelig mevus hur nigcim, wut Atua isursur nro nivivutunien isetei tiei bwelig leten cen wut inonin et devmeaur in ei. 10 Nirogien ito len netaigk, ise, wut derirog Atua, or wut irirog nigcint, en isursur nro nivutun nitamat cen nisampien ar nin nigcint. 11 Hala wut Atua irirog nigcint inonin, nigcint derirog ma nigcint. 12 Nihumor islesve Atua walies sut : sinderirog nigcint, Atua ito len nigcint, en nirogien tiei ivelehma len nigcint : 13 In netaigk deroghur wut deto len ei, en ei len nigcint, andewer ihu bigcen nigcint dilin nimwinin tiei. 14 En deles nro en derwer wut Temen isursur nro nivivutunien niropien nin neten. 15 Nimwin hurvor sigcewer mevus wut Iesu ino Atua nivutun, Atua coto len ei, en ei len Atua. 16 En deroghur en derogdau nro nirogien ti Atua viien hur nigcint. Atua ino rirogien ; en ei tito len nirogien ito len Atua, en Atua ito len ei. 17 In netaigk nirogien ivelema hur nigcint, cen wut inonin devien nimbaiiusien ran neautregien nin nindig-

digien ; andewer ran neten nin tiigk devino ei. 18 Metaien isesise len nirogrien ; or nirogrien tiveleh ma isurkas nimetaien, andewer nimetaien ivien netelimprien ; en ei timeta islehmave cen nirogrien. 19 Derirog andewer ei irirog human nigcint. 20 Nihumor siwer, Neriog Atua, en sigot tesen, ipmarambog : cen wut ei tigot tesen tei iles, imbwit corirog Atua tei islesve. 21 En nivagasien tiigk devien dilin Atua, wut ei tirog Atua irirog tesen.

NIMBATIN 5.

1 Nimorot sut sigcorogdau wut Iesu ino nikristu cono nivutun nin Atua : en nimorot sut sigcorirog nitemen irirog nivutun. 2 In netaiigk deroghur wut derirog nivutun ti Atua ar, wut derirog Atua en darar nivagasien tiei ar. 3 Cen wut netaiigk ei ino nirogrien nin Atua, wut detundag nivagasien tiei ar : en nivagasien tiei resindivve. 4 Andewer neta morsu tiwelig dilin Atua iparas banr wuf leten : en neta iigk ei ino niparasien tiparas banr wut leten, nirogdauien nin nigcint. 5 En ei et ia tiparas banr wut leten, or ei tirogdau wut Iesu ino Nivutun nin Atua? 6 Ei tinin tiwelig in nauei, en nenre, Iesu Kristo ; ise, cen nauei isetei, or in nauei en nin ninre. 7 En ei ino nimwinin tiwer andewer nimwinin ei ino nimbaragnien. 8 Andewer nimwinin, en naue, en nenre, ar itilrewer : en ar itil reno ise cen ei. 9 Sindeher nivagasien nin nimorot ar, nivagasien nin Atua imbau banr : andewer nivagasien nin Atua ei ino netaiigk, wut iwerdro hur nivutun. 10 Ei tirogdau Atua nivutun ivien nivagasien len ei : ei tisrogdauve Atua, irar ei ino nimbarambog ; andewer isrogdauve ran nivagasien wut Atua iwer dro hur nivutun. 11 En nivagasien ino tiigk, wut Atua ihunro bigcen nigcint meaurien tartar, en nimeaurien tiigk ito len nivutun. 12 Ei tigcevien nivutun cevien nimeaurien ; Ei tigcesvienve Atua nivutun cesvienve nimeaurien.

13 Netaiigk netus bigcen nigcim, cen wut inonin aroghur wut aviiën meaurien tartar, bigcen nigcim tarogdau ran Atua nivutun nehen. 14 En netaiigk ino nipbaivusien deviiën cen ei, wut sindeenderim nisten inotei wut irirog, irog nigcint : 15 en sinda-roghur wut irog nigcint neta morsu denderim, deroghur wut deviiën nenderimien ar tidenderim dilin ei. 16 Nihumor sut sigcoles tesen carar di nisampien, ise, cen nimisien, ivinderim, en Atua ivihu meaurien bigcen ei, cen ar trerar di sampien, ise cen, misien. Sampien tuan ito cen nimisien : ise, hur tügk nigcewer cen wut inonin avenderim. 17 Niligniniënve morsu ino sampien, en sampien tuan ito, ise, cen misien.

18 Deroghur wut nihumor tino Atua nivutun is-rardive sampien, or ei tino Atua nivutun itundag ei, en tise nin tisamp isvihive ei. 19 Deroghur wut deno dilin Atua, en wut leten morsu imetur len ise nin tisamp. 20 En deroghur wut Atua nivutun iwe-lignro en ihu nro bigcen nigcint roghurien, cen wut inonin deroghur ei timbaragcen, en dokoh len ei tim-baragcen, len nivutun, Iesu Kristo. Tügk ino Atua baragcen, en meaurien tartar. 21 Nimbunog trembuntabant, agcigcelau cen nigcim dilin nite-mij.

JON

NIMOROT TILAU

ITUS

NAVAL TIIGK TIVAIRU.

1 Nimaralamp bigcen nimomo, tei Atua imetkis, en bigcen nimbunog tiei ar, tar nerirog cen baragcenien ; en kinagk sombonve, or ar morsu treroghur nibaragcenien ; 2 andewer nimbaragcenien titō len nigcint, en ivato hur nigcint tartar : 3 Niolien, nisurien, en tamat ivato hur nigcint, dilin Atua Nitemen, en dilin Iesu Kristo, Nitemen Nivutun, cen nimbaragcenien en nirogien. 4 Nagalagal butaai wut neles tuan nin nimbunog tinunk relogalog cen nimbaragcenien, inotei deher nivagasien dilin Nitemen. 5 En origk nenderim in nunk, momo, ise inotei netis bigcen nunk nivagasien tivivau, or tinin devien dilin nimbatin, cen wut inonin derirog mah nigcint. 6 En tiigk ino nirogien, wut delogalog ino tiwer. Tiigk ino nivagasien inotei derog dilin nimbatin, cen wut inonin delogalog len ei. 7 Andewer nimarambog trelamp relog mevus ran neten, ar treswer mevusve wut Iesu Kristo iwelig len nimben. Tiigk ino nimarambog en niantikristo. 8 Agcigcelau cen nigcim sombon, cen wut inonin asieve neta tarar ar, or aher nilivohoiien tivun. 9 Nihumor ti-log human en tistove cen nivihinkien nin Kristo isvienvē Atua : ei titō cen nivihinkien, tinintei ivien Temen en Nivutun. 10 Nimwin hurvor sigcewelig

bigcen nigcim, en sigceskampove nivihinkien tiigk, asviherve ei belium tinigcim, en asviwerve bigcen ei negalagal : 11 Cen wut ei tiwer bigcen ei negalagal iviien wutuan in nirarien tresamp nin ei.

12 Neviiën neta trelamp wut nigcotus bigcen nigcim, en nesirogve wut nigcotus ar len naval en in nivitau : or nerirog wut nigcawelig bigcen nigcim, en nigcewer noogk tivsun noon nigcim, cen wut inonin micalagalien nin nigcim covun. 19 Nimbunog ar nin vene, tiei Atua imetkis, rewer regalagal.

JON

NIMOROT TILAU

ITUS

NAVAL TIIGK TIVAITIL

1 Nimaralamp bigcen Caius, nihala, tiei nerirog len baragcenien.

2 Hala, netu tamat wut cen neta morsu cuvele, en cuveparas, conotei nimwinin ivele. 3 Cen wut negalagal butaai, wut nitesen rewelig en rewer hur nimbaragcenien nin nunk, inotei ulog in nimbaragcenien. 4 Neviiien galagalienvé timbanr wut nerog hur nimbunog tigkinagk wut relog in baragcenien,

5 Hala, urar nirarien ivun nirogdauien cen neta morsu urar bigcen ar trehalan, en bigcen nimuria ar ; 6 trewer mevus hur nirirogien tinunk ran noon Jurj : en sigcusursur ar hur nilogalogien tiar, inotei Atua, uvrar neta tile : 7 cen wut andewer nehem relog mevus en resherve nisten dilin nimorot Jentil. 8 En inotinin ivele wut deviher nimorot trenonin cen wut inonin deverar bonombon hur nimbaragcenien.

9 Netus nro nisten bigcen nijurj : or Diotrefus, tirirog wut ceviiien nivuhumanien livu nin ar, isherve nigcint. 10 Andewer tiigk sinigcewelig nigcevigcur nimorot revinrimrimhur nirarien ar nin ei tirar, ivagas tutau baran camem hur nivagasién tresamp, en

isiarve in tinin, en ei sombon isherve halan ar, en bigcen ar trerirog ivivelen en ioompkas ar dilyn nijurj. 11 Hala, Cusrarve cono nimorot tirar neta tisamp, or curar cono nimorot tirar neta tile. Ei tirar neta trele ino mor ti Atua : ei tirar sampa-samp islesve Atua. 12 Demetrius iviien nivagasien tile ti nimorot morsu, en ti nimbaragcenien sombon : e, en nigcint dewer mevus ; en uroghur wut nivagasien nin nigcint ibaragcen.

13 Neviiien neta trelamp wut nigcotus bigcen nunk, or nesrogot wut nigcotus bigcen nunk in ni-vitau en pen : or nerirog wut nigcoles nunk ishbim-barave, en deeviwer noogk tivsun noom. Tamat bigcen nunk Nimuria revagas bigcam. Cuvagas bigcen nimuria cen nehen ar.

JONA

Eten nivagasien ti Nirovun iwelig cen Jona, Amittai nivutun, iwer, Cutaris, culog bei Nineve, siti timbau tag, en cundighur ran ei ; cen wut nisampien tiar iwelig ran bihuman kinagk. 3 Or Jona itaris cen wut iroviep bei Tarshish dilin Nirovun noon ; en isip bei Jopa, en iles nauagk wut corop bei Tarshish, en ivul in, en isip belembwil in nauagk, cen wut cevei pilur ar bei Tarshish dilin Nirovun. 4 Or Nirovun isursur nalag rap timbau hur netis, en nigol tiparas irop len netis, ino wut nauagk comovor. 5 En nemornin ar neraien tirara ran nauagk remeta, en nemorsu retu tamat bigcen nitemij tirevien in, en rembura neta tirokh len nauagk balau cen wut inonin camarasaras evun ar. Or Jona isip imbi hur nitivsun nauagk ; en imetur, en imetur bomboror. 6 Cen wut nirovun nin nauagk iwelig cen ei, en iwer bigcen ei, Nehava cen inunk et umetur ? cutaris, cutu tamat bigcen Atua ti nunk, en Atua cenrimrim hur nigcint, cen wut inonin desvimisve. 7 En nimorsu rewerewer ma bigcen ar, Awelig, ile dembura nivarau ar, cen wut inonin devileshur cen tiei nisampien iigk ito ran nalcint. En rembura nevarau ar, en nivarau iboop ran Jona. 8 En rewer bigcen ei, cuwer bigcen camem, mienderim in nunk cen ti ei nisampien iigk ito ran nigcint ; nihava et urar ? en uwelig dilin wutimbe ? nunk nimbasar nu wutimbe ? nunk nimorot nin tia ? 9 En iwer bigcen ar, Kinagk nin Hibru ; en nameta Nirovun, Atua nin wut lenamap, Ei irar netis en neten. 10 En nimorot remeta imbau, en rewer bigcen ei, cen heven urar inoilig ? Cen wut nimorot reroghur wut ei

irop dilin noon Nirovun, andewer iwer nro bigcen ar. 11 En rewer bigcen ei, Nehava et mirar in inunk, cen wut inonin netis candamat cen nigcint ? cen wut netis cokurkur imbau. 12 En iwer bigcen ar avauus kinagk, en aoomp kinagk balau ; cen wut netis candamat cen nigcim : cen wut neroghur andewer kinagk nelag rap timbau iwelig ran nigcim. 13 Or nemorot revevelu butai cen wut rogcur nauagk cawelig veree ; or rembwit lile : andewer netis ikurkur imbau ran ar. 14 En andewer iigk revivie bigcen Nirovun, en rewer, minderim in nunk, cesleve mivimis cen nemeaurien mornin tiigk : en custuve nanrei tihetve ran camem : cen wut nunk, Nirovun, urar nro ino turog. 15 En revaaus Jona en roomp ei balau : en netis kurkurien iar. 16 En nimorot rameta butai Nirovun : en rambamba nembambaien bigcen Nirovun, en rewer mevus neta ar. 17 En Nirovun ivalu nimahal timbau cen wut cendil Jona ; en Jona ito levetin nemahal hur niautregien etil en nimisbug etil.

NIMBATIN 2.

En Jona itu tamat bigcen Nirovun, Atua ti ei, len nevetin nemahal. 2 En iwer, Nevivie bigcen Nirovun andewer netilimpin nin kinagk, en irog kinagk ; len nevetin nimbasar tisamp nevivie, en urog nelen kinagk. 3 Cen wut uoomp nro kinagk belen wut imbulu, belivu nin netis ar, en naue ito dilivus kinagk ; nigol morsu nin nunk en netis masien ar nin nunk remolop ran kinagk. 4 En newer, Uoomp kinagk dilin human nevetam ; or neviles lis bigcen neium tilau. 5 Naue ar renimp dilivus kinagk en ran nimwine ; naue trembulu renimp dilivus kinagk ; nemune rendilivus nimbatu. 6 Nesip bisilevun ar nin niruu ar ; neten in nisigerduien ti ei ar itok ran kinagk tartar : Or uher nro nemeaurien tigkinagk bwelig dilin nimbwiliel, Nirovun, Atua tigkinagk.

7 Wut nimwine imilimp len kinagk nenrimrim hur Nirovun : en nagcutamatien iwelig cen nunk beium tilau ti nunk. 8 Nimorot tirarar nihuwe nin nivaambogien retusar nisurien nin sombon ar. 9 Or nigcambamba bigcen nunk in nelen nin nigalagalien; nigcewul neta tinewer mevus. Niholurien ti Nirovun. 10 En Nirovun iwer bigcen nimahal, en iluwe Jona ran neten.

NIMBATIN 3.

En nivagasien nin Nirovun iwelig bigcen Jona ivairu, iwer, 2 Cutaris, culog bei Nineve eium timbou tag, en indighur bigcen ei nindighurien tinewer bigcen nunk. 3 En Jona itaris, en ilog bei Nineve cen nivagasien ti Nirovun. En Nineve eium timbau butai ligalig nilogien nin nilius itil. 4 En Jona itumbatin wut ilog beium nelogien nin nilius ise, en iulaul, en iwer, Ta nin neautregien ilagabul ives wut eium cemepi. 5 En nimorot nin wut Nineve rerogdau Atua ; en rendighur naanienvé, en revei len nivohon ambat tikikatur, dilin morot trambant bigcea mortrevare. 6 En nivagasien iwelig cen Nirovun nin Nineve, en itaris dilin naai sumpsump nin ei, en itusar nivohon ambat tiei dilin ei, en iombugcor ei in nivohon ambat tikikatur, en isump len nimbwisnip. 7 En indighur en iwer durlen wut Nineve len Nivagasien ti Nirovun en ti vaalim tiei, rewer, Cele nimorot, en neta tiremeaur, bulamakou en shipship resvimemrogve nisten ; en cele resvaanve ; en resvimimve naue ; 8 En cele nimorot en neta tiremeaur revkoh silevun nivohon ambat tikikatur, en revulaul butai bigcen Atua ; en cele revimempiis dilin nesampien ti ar, en dilin netilimpian tikoh ran nevaran ar. 9 Ia coroghur mwin Atua isvimem piisve en irogmeriven, en cevimempiis cahal dilin nesinkonien ti paras ti ei, cen wut desvimesve ? 10 En Atua iles

neraien ti ar, wut remempiis dilin nesampien ti ar ; en Atua irog meriven hur neta tisamp tiwer nro wut carar cen ar ; en israrve ei.

NIMBATIN 4.

En Jona irog ihet butai en isinkon nesinkonien timbau. 2 En itu tamat bigcen Nirovun, en iwer, Nigcenderim in inunk, Nirovun, netaigk nagcuva-gasienvé eten wut neto sent tigkinagk ? En andewer iigk nerop human bei Tarshish : cen wut neroghur wut nunk, Atua nin nagkien en nin meriven en usgaragarve cen nesinkonien, en ule butai, en urog meriven sombon cen nesampien. 3. En andewer iigk, Nirovun, cuher kas nemeaurien dilin Kinagk nenderim in nunk ; cen wut cele butai cen kinagk wut nigcemis, en nigcesmeaurve. 4 En Nirovun iwer, Ile wut usinkon butai ? 5 En Jona ilog mevus dilin wut eium, en isump ran tivsun ti raai nin eium, en eiag igcur cen sombom nepasbagap, en isump silevun ei len nomol, cen wut sigceles neta tigcawelig ran siti. 6 En Nirovun Atua ilulu curd, en igcur ei itevus laau Jona, cen wut copmol ran nimbatin, cen wut cawelkas ei dilin nerogmerivenien. En Jona igalagal butai cen curd. 7 En Atua ilulu nindilis wut livahat itaris neautregien halan, en isuur necurd cen wut inonin imeme. 8 En wut ninal imendig wut Atua ilulu nalag raai newut nin ihuhau ; en ninal isinris nimbatin Jona, cen wut inonin cepwilpwil, en inderim cen sombom ei wut cemis, en iwer, Cele butai cen kinagk wut nigcemis en nigcesmeaurve. 9 En Atua iwer bigcen Jona ile wut usinkon butai hur nicurd ? En iwer ile cen kinagk wut nesinkon butai cen nemisien. 10 En Nirovun iwer, Urog meriven cen curd cen timbe usrarve, en usigcur ve imeaur, itip livaat en imis livaat : 11 en uwer ihet wut nerogmerivenien nin

wut Nineve, nesiti timbau tag ; len ei nimorot thousand lagabul lagabul ise nin timaniru rakok, resleshurve nevaran baragcen nin ar en nevaran dilmeier nin ar ; en len ei bulamakou tirelamp rakoh.





